

M342: Gottfried von Straßburg: Tristan

0,1 gedenket man ir ze guote niht .
0,2 von den der werlte guot geschihet
0,3 sô wære ez allez alse niht .
0,4 swaz guotes in der werlt geschihet .
0,5 der guote man swaz der in guote .
0,6 unde niuwan der werlte in guote tuot .
0,7 swer daz iht anders wan in guote .
0,8 vernemen wile der missetuot .
0,9 ich hoere es velschen harte vile .
0,10 daz man doch gerne haben wile .
0,11 dâ ist des lützelzen ze vile .
0,12 dâ wile man des man niene wile .
0,13 ez zimet dem manne ze lobenne wole .
0,14 des man iedoch bedurfen sol .
0,15 unde lâze ez im gevallen wole .
0,16 die wîle ez im gevallen sol .
0,17 tiure unde wert ist mir der man .
0,18 der guot unde übel betrahten kan .
0,19 der mich unde iegelîchen man .
0,20 nâch sînem werde erkennen kan .
0,21 êre unde lop diu schepfent list .
0,22 dâ list ze lobe geschaffen ist .
0,23 swâ . er mit lobe geblüemet ist .
0,24 dâ blüejet aller slahte list .
0,25 rehte als daz dinc ze unruoche gât .
0,26 daz lobes unde êren niene hât .
0,27 als liebet daz daz êre hât .
0,28 unde sînes lobes niht irre gât .
0,29 ir ist sô vile die des nû pflegent .
0,30 daz si daz guote ze übele wegent .
0,31 daz übel wider ze guote legent .
0,32 die pflegent niht si widerpflegent .
0,33 kunst unde nâhe sehenter sin .
0,34 swie wole diu schînen under in .
0,35 geherberget danne nît zuoze in .
0,36 er leschet kunst unde sin .
0,37 hei tugent wie smal sint dîne stege .
0,38 wie kumberlich sint dîne wege .

0,39 dîne stîge dîne wege .
0,40 wole im der si wege unde stege .
0,41 trîbe ich die zît vergebene hin .
0,42 sô zîtich ich ze lebenne bin .
0,43 sô ne vare ich in der werlt sus hin .
0,44 niht sô gewirdet als ich bin .
0,45 ich hân mir eine unmüezicheit .
0,46 der werlt ze liebe vüre geleit .
0,47 unde edelen herzen ze einer hage .
0,48 den herzen den ich herze trage .
0,49 der werlte in die mîn herze sihet .
0,50 ich ne meine ir aller werlte niht .
0,51 als die von der ich hoere sagen .
0,52 diu decheine swære müge vertragen
0,53 unde niuwan in vröuweden wellent leben .
0,54 den müeze got vröuwede unde êre geben .
0,55 der werlte unde diseme lebene .
0,56 entkumet mîn rede niht ebene .
0,57 ire leben unde mînez zweiget sich .
0,58 jene die andern werlte die meinen ich .
0,59 diu sament in ire herzen treit .
0,60 ire süeze siure ire liebez leit .
0,61 ire herzeliep ire senente nôt .
0,62 ire liebez leben ire leiden tôt .
0,63 ire lieben tôt ire leidez leben .
0,64 dem lebene sî mîn leben ergeben .
0,65 der werlte wile ich gewerdet wesen .
0,66 mit ir verderben oder genesen .
0,67 ich bin mit ir biz her beliben .
0,68 unde hân mit ir die tage vertriben .
0,69 die mir ûf nâhen gêntem lebene .
0,70 lêre unde geleite solten geben .
0,71 der hân ich mîne unmüezicheit .
0,72 ze kurzewîle vüre geleit .
0,73 daz si mit mînem mære .
0,74 ire nâhe gênte swære .
0,75 ![...] ze halber senfte bringe .
0,76 ire nôt dâ mite geringe .
0,77 wan swer des iht vore ougen hât .
0,78 dâ mit der muot ze unmuoze gât .
0,79 daz entsorget sorgenhaften muot .
0,80 daz ist ze herzesorgen guot .
0,81 ir aller volge diu ist dâr an .
0,82 swâ sô der müezige man .
0,83 mit senentem schaden sî überladen .
0,84 dâ mêre muoze senenten schaden .
0,85 bî senentem leide müezicheit .
0,86 dâ wehset iemer senede leit .

0,87 durch daz ist guot swer herzeklage .
0,88 unde senede nôt ze herzen trage .
0,89 daz er mit allem ruoche .
0,90 dem lîbe unmuoze suoche .
0,91 dâ mite sô müeziget der muot .
0,92 unde ist dem muote ein michel guot .
0,93 unde gerâte ich niemer doch dâr an .
0,94 daz iemer liebe gernte man .
0,95 decheine soliche unmuoze im neme .
0,96 diu reiner liebe missezeme .
0,97 ein senelîchez mære .
0,98 daz trîbe ein senedenære .
0,99 mit herzen unde mit munde .
0,100 unde senfte sô die stunte .
0,101 nû ist aber einer jehe vile .
0,102 der ich vile nâch volgen wile .
0,103 der senente muot sô der ie mêr .
0,104 mit senenten mæren umbegê .
0,105 sô sîner ! swære ie mêre sî .
0,106 der selben jehe der stüente ich bî .
0,107 wan ein dinc daz mir widerstât .
0,108 swer innicliche liebe hât .
0,109 doch ez im wê von herzen tuo .
0,110 daz herze stêt doch ie dâr zuo .
0,111 der innicliche minnenmuot .
0,112 sô der in sîner sene gluot .
0,113 ie mêre unde mêre brinnet .
0,114 sô er ie sêrer minnet .
0,115 disez leit ist liebes als vol .
0,116 daz übel daz tuot sô herzewole .
0,117 daz es dechein edele herze entbiret .
0,118 sît ez hier von geherzet wirdet .
0,119 ich weiz ez wârz als den tôt .
0,120 unde erkenne ez bî der selben nôt .
0,121 der edele senendære .
0,122 der minnet senentiu mære .
0,123 von diu swer senenter mære ger .
0,124 der ne var niht verrer danne her .
0,125 ich wile in wole bemæren .
0,126 von edelen senendenæren .
0,127 die reine sene wole tâten schîn .
0,128 ein sendenære unde ein sendenærîn .
0,129 ein man ein wîp ein wîp ein man .
0,130 Tristrant Isôt Isôt Tristran .
0,131 ich weiz wole ir ist vile gewesen .
0,132 die von Tristrande hânt gelesen .
0,133 unde ist ir doch niht vile gewesen .
0,134 die von im rehte haben gelesen .

0,135 tuon aber ich diu gelîche nû .
0,136 unde schepfe mîniu wort dâr zuo .
0,137 daz mir ir iegelîches sage .
0,138 von disem mære missehage .
0,139 sô wirbe ich anders danne ich sol .
0,140 ich en tuon es niht si ne sprechen wole .
0,141 unde niuwan ûz edelem muote .
0,142 mir unde der werlt ze guote .
0,143 bînamen si tæten ez in guote .
0,144 unde swaz der man in guote getuot .
0,145 daz ist ouch guot unde wole getân .
0,146 aber als ich gesprochen hân .
0,147 daz si niht rehte haben gelesen .
0,148 daz ist als ich iu sage gewesen .
0,149 si ne sprâchen in der rihte niht .
0,150 alsô Thomas von Britanje jihet .
0,151 der âventiure meister was .
0,152 unde ane britûnischen buochen las .
0,153 aller der lande hêrren leben .
0,154 unde ez uns ze kûnde hât gegeben .
0,155 als der von Tristrande seit .
0,156 die rihte unde die wârheit .
0,157 begunde ich sêre suochen .
0,158 in beider hande buochen .
0,159 walhischen unde latînen .
0,160 unde begunde mich des pînen .
0,161 daz ich in sîner rihte .
0,162 rihte dise getiht .
0,163 sus treip ich manige suoche .
0,164 unze ich an einem buoche .
0,165 alle sîne jehe gelas .
0,166 wie dirre âventiure was .
0,167 waz aber mîn lesen dô wære .
0,168 von disem senemære .
0,169 daz lege ich mîner willekûre .
0,170 allen edelen herzen vûre .
0,171 daz si dâ mit unmüezic wesen .
0,172 ez ist in sêre guot gelesen .
0,173 guot jâ inniclichen guot .
0,174 ez liebet liebe unde edelt muot .
0,175 ez stætet triuwe unde tugendet leben .
0,176 ez kan wole lebente tugende geben .
0,177 wan swâ man hoeret oder liset .
0,178 daz von sô reinen triuwen ist .
0,179 dâ liebet dem getriuwen manne .
0,180 triuwe unde ander tugende van .
0,181 liebe triuwe stæter muot .
0,182 êre unde ander manic guot .

0,183 daz geliebet niemer anderswâ .
0,184 sô sêre noch sô wole sô dâ .
0,185 dâ man von herzeliebe saget .
0,186 unde herzeleit ûz liebe klaget .
0,187 liebe ist ein alsô sælic dinc .
0,188 ein alsô sæliclich gerinc .
0,189 daz nieman âne ire lêre .
0,190 weder tugende hât noch êre .
0,191 sô manic wert leben sô liebe vrumet .
0,192 sô vile sô tugende von ir kumet .
0,193 ô wê daz allez daz dâr lebet .
0,194 nâch herzeliebe niene strebet .
0,195 daz ich sô lûtzel vinde der .
0,196 die lûterliche herzen ger .
0,197 durch vriunt ze herzen wellen tragen .
0,198 niuwan durch daz vile arme klagen .
0,199 daz hier bî ze eteslîcher zît .
0,200 verborgen in dem herzen lît .
0,201 wâr umbe en lite ein edel muot .
0,202 niht gerne ein übel durch tûsent guote .
0,203 durch manige vröuwede ein ungemach .
0,204 swem nie von liebe leit geschach .
0,205 dem geschach ouch liep von liebe nie .
0,206 liep unde leit diu wâren ie .
0,207 an minnen ungescheiden .
0,208 man muoz mit disen beiden .
0,209 êre unde lop erwerben .
0,210 oder âne si verderben .
0,211 von den diz senedemære seit .
0,212 unde hæten die durch liebe leit .
0,213 durch herzewunne senentez klagen .
0,214 in einem herzen niht getragen .
0,215 sô ne wære ire name unde ire geschiht .
0,216 sô manigem edelen herzen niht .
0,217 ze sælden noch ze liebe komen .
0,218 uns ist noch hiute liep vernomen .
0,219 süeze unde iemer niuwe .
0,220 ire inniclíchiu triuwe .
0,221 ire liep ire leit ire wünne ire nôt .
0,222 alein unde sîn si lange tôt .
0,223 ire süezer name der lebet iedoch .
0,224 unde sol ire tôt der werlte noch .
0,225 ze guote noch unde iemer leben .
0,226 den triuwe gernten triuwe geben .
0,229 uns lebenten leben unde niuwe wesen .
0,230 wan swâ man noch hoeret lesen .
0,231 ire triuwe ire triuwen reinicheit .
0,232 ire herzeliep ire herzeleit .

0,233 daz ist aller edelen herzen brôt .
0,234 hier mite sô lebet ir beider tôt .
0,239 swer nû ger daz man im sage .
0,240 ire leben ire tôt ire vröuwede ire klage .
0,241 der biete herze unde ôren her .
0,242 er vindet alle sîne ger .
0,243 ein hêrre in Parmenîe was .
0,244 der jâre ein kint als ich ez ! ! las .
0,245 der was als uns diu wârheit .
0,246 in sîner âventiure seit .
0,247 wole an gebürte künige genôz .
0,248 an landen vürsten ebengrôz .
0,249 des lîbes schoene unde minniclich .
0,250 getriuwe küene milte unde rîche .
0,251 unde den er vröuwede solte tragen .
0,252 den was der hêrre in sînen tagen .
0,253 ein vröuwede berntiu sunne .
0,254 er was der werlte ein wünne .
0,255 der rîterschaft ein lêre .
0,256 sîner mâge ein êre .
0,257 sînes landes ein zuoversiht
0,258 an im gebrast aller tugende niht .
0,259 der hêrre haben solte .
0,260 wan daz er ze verre wolte .
0,261 in sînes herzen lüften sweben .
0,262 unde niuwan nâch sînen willen leben .
0,263 daz im doch sît ze leide ergie .
0,264 wan leider diz ist unde was ie .
0,265 ûf gêntiu jugent unde vollez guot .
0,266 diu zwei diu vüerent übermuot .
0,267 vertragen daz doch vile manic man .
0,268 in michelem gewalte kan .
0,269 dâr an gedâhte er selten .
0,270 übel mit übele gelten .
0,271 kraft erzeigen wider kraft .
0,272 dâr an was er gedanchaft .
0,273 nû ne löufet ez die lenge niht .
0,274 der allez daz daz im geschihet .
0,275 mit Karles lôte gelten wile .
0,276 weiz got der man muoz harte vile .
0,277 an disem borge übersehen .
0,278 oder im muoz dicke schade geschehen .
0,279 swer dechein schaden vertragen kan .
0,280 dâ wehset dicke schade van .
0,281 unde ist ein vreislîcher site .
0,282 hier vâhet man den bern mite .
0,283 der richet einzele schaden .
0,284 unz er mit schaden wirdet beladen .

0,285 ich wæne ouch im alsame geschach .
0,286 wan er sich als vile gerach .
0,287 daz er den schaden dâr an genam .
0,288 daz aber er ie ze schaden kam .
0,289 daz kom von archeite niht .
0,290 dâ von doch manigem schade geschihet .
0,291 ez kom von dem geleite .
0,292 sîner kintheite .
0,293 daz er in sîner blüejenten jugent .
0,294 mit tugentlicher hêrren tugent .
0,295 wider sîn selbes sælden streit .
0,296 daz schuof sîn spilentiu kintheit .
0,297 diu mit ire übermuote .
0,298 in sînem herzen bluote .
0,299 er tet vile rehte als alliu kint .
0,300 diu selten vorebesihtic sint .
0,301 er nam vüre sich niht sorgen war .
0,302 wan lebete unde lebete unde lebete et dar .
0,303 dô sîn leben ze lebenne vienc .
0,304 ûf als der tagedesterne gienc .
0,305 unde lachente in die werlte sach .
0,306 dô wânte er des doch niene geschach .
0,307 daz er iemer alsô solte leben .
0,308 unde in der lebenten süeze sweben .
0,309 nein sînes lebenes begin .
0,310 der gie mit kurzem lebene hin .
0,311 diu morgenlîche sunne .
0,312 sîner werltlîchen wünne .
0,313 dô diu von êrste spilen began .
0,314 dô viel sîn gâher âbent an .
0,315 der im vore was verborgen .
0,316 unde laschte im sînen morgen .
0,317 wie er aber genennet wære .
0,318 daz kündet uns diz mære .
0,319 sîn âventiure tuot uns schîn .
0,320 sîn rehter name hiez Riwalîn .
0,321 sîn âname was Kanêlengres .
0,322 genuoge jehent unde wænent des .
0,323 der selbe hêrre er wære .
0,324 ein Lohnoisær .
0,325 küninc über daz lant ze Lohnois .
0,326 nû tuot uns aber Thomas gewis .
0,327 der ez an den âventiuren las .
0,328 daz er von Parmenîe was .
0,329 unde hæte sunderz lant .
0,330 von eines Britûnes hant .
0,331 unde solte dem sîn undertân .
0,332 der selbe der hiez der küninc Morgân .

0,333 nû daz der hêrre Riwalîn .
0,334 wole nâch grôzen êren sîn .
0,335 wole driu jâr rîtær was gewesen .
0,336 unde hæte wole hinheim gelesen .
0,337 ganze kunst ze rîterschaft .
0,338 ze urliuqe volliclîche kraft .
0,339 er hæte lant liute unde guot .
0,340 weder ez dô nôt alde übermuot .
0,341 geschuof des ne weiz ich niht
0,342 wan diu âventiure jihet .
0,343 sô greif er Morgânen an .
0,344 also einen schuldigen man .
0,345 er kom geriten in sîn lant .
0,346 mit alsô kreftiger hant .
0,347 daz er mit gewalte .
0,348 manige burge valte .
0,349 die stete muosen sich ergeben .
0,350 unde loesen ire guot unde ire leben .
0,351 rehte als liep als ez in was .
0,352 unz er zesamene gelas .
0,353 gülte unde guotes die kraft .
0,354 daz er sîne rîterschaft .
0,355 sô starke gemêrte .
0,356 swar er mit her kêrte .
0,357 ez wâren bürge oder stete .
0,358 daz vile sînes willen tet .
0,359 ouch nam er dicke schaden dâr an .
0,360 er galt mit manigem biderben manne .
0,361 wan Morgân was an sîner wer .
0,362 er bestuont in dicke mit her .
0,363 und tet in ofte schadehaft .
0,364 wan ze urliuqe unde ze rîterschaft .
0,365 hoeret verlust unde ouch gewin .
0,366 hier mite sô gênt urliuqe hin .
0,367 verliesen oder gewinnen .
0,368 daz treit die kriege hinnen .
0,369 ich wæne im Morgân alsam tet .
0,370 er valte ouch bürge unde stete .
0,371 unde brach im underwîlen abe .
0,372 sîne liute unde sîne habe .
0,373 unde tet im swaz er mohte .
0,374 daz doch niht vile en tohte .
0,375 wan in tet iemer Riwalîn
0,376 mit grôzem schaden wider in .
0,377 und treip des mit im als vile .
0,378 biz er in brâhte ûf daz zil .
0,379 daz er sich nihtes kunde erwern .
0,380 noch sich niender trûwete ernerren .

0,381 niuwan in sînen vesten .
0,382 den starkestē unde den bezzisten .
0,383 die selben besaz ouch Riwalîn .
0,384 unde gap ûz voller hant dâr in .
0,385 bataljen unde strîten .
0,386 er tet in ze allen zîten .
0,387 strackes . rehte unze in diu tor .
0,388 ouch hæte er dicke dâ vore .
0,389 turnoie unde rîche rîterschaft .
0,390 alsus lac er im obe mit kraft .
0,391 unde herte in in dem lande .
0,392 mit roube unde mit brande .
0,393 biz sich Morgân ze tage dô bôt .
0,394 und daz er warp mit aller nôt .
0,395 daz ez getaget wart under in zwein .
0,396 unde ein jâr vride getragen enein .
0,397 unde wart der von in beiden .
0,398 mit bûrgen unde mit eiden .
0,399 gestætet als er solte sîn .
0,400 hier mit sô kêrte Riwalîn .
0,401 mit den sînen heim rîche unde vrô .
0,402 ûz milter hant lônete er in dô .
0,403 unde machete si alle rîche .
0,404 er lie si vroelîche .
0,405 unde wole nâch sînen êren .
0,406 wider ze ire hûse kêren .
0,407 nû daz Kanêle alsus gelanc .
0,408 nû was dâr nâch vile harte unlanc .
0,409 ! unze daz er aber einer vart .
0,410 durch banekenîe eneine wart .
0,411 und er sich aber ûz reitte
0,412 mit grôzer rîchheite .
0,413 alse der êrngire tuot .
0,414 al daz gereite unde al daz guot .
0,415 des er bedürfen wolte .
0,416 unde ein jâr haben solte .
0,417 daz wart im an ein schif getragen .
0,418 er hæte vile gehoeret sagen .
0,419 wie hövisch unde wie êrbære .
0,420 der junge küninc wære .
0,421 der junge küninc Marke .
0,422 des êre wüchse starke .
0,423 der hæte dô ze sîner hant .
0,424 Kurnewâl unde engellant .
0,425 Kurnewâl was aber sîn erbe dô .
0,426 umbe engellant stuont ez sô .
0,427 daz hæte er sît des mâles .
0,428 daz die Sahsen von Gâles .

0,429 die Britûne dâ vertriben .
0,430 unde si dâ hêrren beliben .
0,431 von den ez ouch den namen verliez .
0,432 daz lant daz êr Britanje hiez .
0,433 daz wart ouch iesâ dô genant .
0,434 nâch dem von Gâles engellant .
0,435 dô die daz lant besâzen .
0,436 unde ez under sich gemâzen .
0,437 dô wolten si alle küniglîn .
0,438 unde hêrren von in selben sîn .
0,439 ditz wart ir aller ungewin .
0,440 sus begunden si sich under in .
0,441 slahen unde morden starke .
0,442 unde bevulhen ouch die Marke .
0,443 sich und daz lant in sîne pflege .
0,444 sît her diente ez im alle wege .
0,445 sô sêre unde sô vorhtelîche .
0,446 daz nie dechein künincrîche .
0,447 einem künige nie gedienete baz .
0,448 ouch saget diu histôrij von im daz .
0,449 daz allen den bîlanden .
0,450 die sînen namen erkanten .
0,451 dechein küninc sô werder was als er .
0,452 dâ hin was Riwalînes ger .
0,453 aldâ dâhte er belîben .
0,454 ein jâr mit im vertriben .
0,455 unde von im werden tugenthaft .
0,456 unde lernen niuwan rîterschaft .
0,457 unde ebenen sîne site baz .
0,458 sîn edelz herze seite im daz .
0,459 erkunnete er vremeder lande site .
0,460 dâ bezzerte er die sîne mite .
0,461 unde würde selbe erkant dâr van .
0,462 mit disen sinnen huop er an .
0,463 er bevalch sîn liut unde sîn lant .
0,464 in sînes marschalkes hant .
0,465 eines hêrren von dem lande .
0,466 an dem er triuwe erkante .
0,467 der hiez Rûal li foitenant .
0,468 sus kêrte Riwalîn zehant .
0,469 mit zwelif gesellen über sê .
0,470 er . bedorfte dô decheines mêr .
0,471 er hæte her hier mite genuoc .
0,472 nû sich diu zît alsô getruoc .
0,473 daz er ze Kurnewâle kam .
0,474 unde ûf dem mer aldâ vernam .
0,475 daz Marke der mære .
0,476 ze Tintajôle wære .

0,477 dâ kêrte er sîne reise hin .
0,478 dâ stiez er ûz dâ vant er in .
0,479 unde wart des inniclichen vrô .
0,480 sich und die sîne kleite er dô .
0,481 rîchelîche unde als im wole gezam .
0,482 nû daz er dô ze hove kam .
0,483 Marke der tugende rîche .
0,484 der entvienc in minnicliche .
0,485 unde mit im al die sîne .
0,486 man bôt dâ Riwalîne .
0,487 den antvanc und die êre .
0,488 daz ez im dâ vore nie mêre .
0,489 ze decheinen zîten anderswâ .
0,490 sô werde erboten wart sô dâ .
0,491 hier spileten sîne site .
0,492 dâ liebete im der hov mite .
0,493 er dâhte dicke wider sich .
0,494 “bînamen got selbe der hât mich .
0,495 ze diseme lantgesinde brâht .
0,496 mîn sælde hât mich wole bedâht .
0,497 swaz ich von Markes tugende ie .
0,498 gehôrte sagen daz ist allez hier .
0,499 sîn leben daz ist hœvisch unde guot .”
0,500 nû seite er Marken sînen muot .
0,501 wâr umbe er dar komen wære .
0,502 nû Marke sîniu mære .
0,503 unde sînen muot hæte vernomen .
0,504 er sprach “gote unde mir sît willekomen .
0,505 lîp unde guot unde swaz ich hân .
0,506 daz sol ze iuwerem gebote stân .”
0,507 Kanêlengres der was dô wole .
0,508 des hoves der hov der was sîn vol .
0,509 arme unde rîche hæten in .
0,510 liep unde werden under in .
0,511 unde wart nie gast geminnet baz .
0,512 ouch kunde er wole verschulden daz .
0,513 der tugenthafte Riwalîn .
0,514 der was unde kunde wole gesîn .
0,515 mit lîbe unde mit guote .
0,516 mite geselliclichem muote .
0,517 ze ir aller dieneste bereit .
0,518 alsô lebete er in der werdicheit .
0,519 unde in der rehten gûete .
0,520 di er in sîn gemüete .
0,521 mit tagelichen tugenden nam .
0,522 unze Markes hœchzît einiu kam .
0,523 die hœchzît hæte Marke .
0,524 gesetzet alsô starke .

0,525 sô mit gebote sô mit bete .
0,526 swenne er in sînen boten tet .
0,527 sô kom diu rîterschaft zehant .
0,528 von dem künincriche ze engellant .
0,529 in dem jâre ze einem mâle .
0,530 gevaren ze Kurnewâlê .
0,531 die selben brâhten mit in dar .
0,532 manige sîeze vrouwen schar .
0,533 unde ander manige rîchheit .
0,534 nû was diu hôchzît geleit .
0,535 benant unde gesprochen .
0,536 die blûejenten vier wochen .
0,537 sô der vile sîeze meie in gât .
0,538 unze an daz dâ er ende hât .
0,539 bî Tintajol sô nâhen .
0,540 daz si sich undersâhen .
0,541 in die schoenesten ouwe .
0,542 die ie decheines ougen schouwe .
0,543 ie überlûhte êr oder sît .
0,544 diu senfte sîeze sumerzît .
0,545 diu hæte ire sîeze unmuëzicheit .
0,546 mit sîezem vlîze an si geleit .
0,547 diu kleinen waltvogellîn .
0,548 diu des ôren vrôuwede sulen sîn .
0,549 bluomen gras loup unde bluot .
0,550 unde swaz dem ougen sanfte tuot .
0,551 unde edele herze ervrôuwen sol .
0,552 des was diu sumerouwe vol .
0,553 man vant dâ swaz man wolte .
0,554 daz der meie bringen solte .
0,555 den schate bî der sunnen .
0,556 die linden bî dem brunnen .
0,557 die senften linden winde .
0,558 die Markes ingesinde .
0,559 sîn wesen engegene macheten .
0,560 die liechten bluomen lacheten .
0,561 ûz dem betouwetem grase .
0,562 des meien vriunt der grüne wase .
0,563 der hæte ûz bluomen ane geleit .
0,564 sô wünniclichiu sumerkleit .
0,565 daz si den lieben gesten .
0,566 in ire ouge widerglesteten .
0,567 der sîeze boumbuot sach den man .
0,568 sô rehte suoze lachente an .
0,569 daz sich daz herze unde al der muot .
0,570 wider an die lachente bluot .
0,571 mit spilenten ougen machete .
0,572 unde ire allez wider lachete .

0,573 daz senfte vogelgedoene .
0,574 daz süeze daz schoene .
0,575 daz ôren unde muote .
0,576 vile dicke kumet ze guote .
0,577 daz vulte dâ berc unde tal .
0,578 diu sælige nahtegal .
0,579 daz liebe süeze vogellîn .
0,580 daz iemer süeze müeze sîn .
0,581 daz kalletē ûz der blüete .
0,582 mit solicher übermüete .
0,583 daz dâ manic edele herze van .
0,584 vröuwede unde hôhen muot gewan .
0,585 dâ hæte diu geselleschaft .
0,586 vrô unde sêre vröuwedehaft .
0,587 gehüttet ûf daz grüene gras .
0,588 alse iegelîches wille was .
0,589 dâ nâch als iegelîches ger .
0,590 ze vröuweden stuont dâ nâch . lac er .
0,591 die rîchen lâgen rîche .
0,592 die hövischen hövischlîche .
0,593 dise lâgen under sîden dâ .
0,594 jene under bluomen anderswâ .
0,595 diu linde was genuoger dach .
0,596 genuoge man gehüttet sach .
0,597 mit loupgrüenen esten .
0,598 von gesinde noch von gesten .
0,599 wart geherberget nie .
0,600 sô wünniclîchen als hier .
0,601 ouch vant man dâ rât über rât .
0,602 alse man ze hôchzîten hât .
0,603 an spîse unde an wæte .
0,604 des iegelîcher hæte .
0,605 ze wunsche sich gewarnet dar .
0,606 dâr zuo sô nam ir Marke war .
0,607 sô grôze unde alsô rîche .
0,608 daz si alle rîchelîche .
0,609 lebeten unde wâren vrô .
0,610 sus huop diu hôchzît sich dô .
0,611 unde swes gerne sehente man .
0,612 ze sehenne guoten muot gewan .
0,613 daz lie diu state wole dâ geschehen .
0,614 man sach dâ swaz man wolte sehen .
0,615 dise vuoren sehen vrouwen .
0,616 jene ander tanzen schouwen .
0,619 swâ zuo den man sîn wille truoc .
0,620 des alles vant er dâ genuoc .
0,621 wan alle die dâ wâren .
0,622 von vröuwedebâren jâren .

0,623 die vlizzen sich in widerstrîte .
0,624 ze vröuweden an der hôchzît .
0,625 unde Marke der guote .
0,626 der hövische hôchgemuote .
0,627 âne ander vrouwen schoenheit .
0,628 di er hæte an sînen rinc geleit .
0,629 sô hæte er doch besunder .
0,630 ein wunderlîchez wunder .
0,631 Blanschefflûr sîne swester dâ .
0,632 eine maget daz dâ noch anderswâ .
0,633 schoener wîp nie wart gesehen .
0,634 wir hoeren von ire schoene jehen .
0,635 si ne gesæhe nie dechein lebente man .
0,636 mit inniclîchen ougen an .
0,637 er ne minnete dâr . nâch iemer mêr .
0,638 wîp unde tugende baz danne êr .
0,639 diu sælige ougenweide .
0,640 diu machete ûf der heide .
0,641 vile manigen man vrech unde vruot .
0,642 manic edele herze hôchgemuot .
0,643 dâr zuo was in der ouwe .
0,644 manic ander schoeniu vrouwe .
0,645 der iegelîchiu mohte sîn .
0,646 von schoene ein rîchiu kûningîn .
0,647 die muot unde vröuwede ouch bâren .
0,648 allen die dâ wâren .
0,649 unde macheten manic herze vrô .
0,650 hier mit huop sich der bûhurt dô .
0,651 von gesinde unde ouch von gesten .
0,652 die werdesten unde die bezzisten .
0,653 die riten dâ zuo wâ unde wâ .
0,654 ouch was der werde Marke dâ .
0,655 unde sîn geselle Riwalîn .
0,656 âne ander ingesinde sîn .
0,657 die sich ouch gevlizzen hæten .
0,658 wie si ez dâ sô . getæten .
0,659 daz ez dâ sagebære .
0,660 unde wole ze lobenne wære .
0,661 man sach dâ ze dem mâle .
0,662 von pfelle unde von zindâle .
0,663 manic ors verdecket ze vlîze .
0,664 manige decke snêwîze .
0,665 gelw brûn rôt grüene unde blâw .
0,666 sô sach man ander andereswâ .
0,667 von edelen sîden wole gebriten .
0,668 in einander manigen wîs zersniten .
0,669 gevêhet unde geparrieret .
0,670 sus unde sô gefeitieret .

0,671 diu rîterschaft diu vuorte kleit .
0,672 mit wünniclicher rîchheit .
0,673 zersniten und zerhouwen .
0,674 ouch lie der sumer schouwen .
0,675 daz er dâ mit Marken wolte sîn .
0,676 manic wünniclich schapellekîn .
0,677 von bluomen sach man an der schar .
0,678 diu er im ze stiure sande dar .
0,679 in dirre süezen sumerkraft .
0,680 huop sich ein stolziu rîterschaft .
0,681 diu schar sich dicke underwar .
0,682 si zogeten sich her unde dar .
0,683 unde triben des vile unde genuoc .
0,684 biz daz sich der bûhurt getruoc .
0,685 dâ Blanscheflûr diu werde .
0,686 ein wunder ûf der erde .
0,687 unde ander manic schoeniu vrouwe .
0,688 sâzen an ire schouwe .
0,689 wan dise die riten sô rîche .
0,690 sô rehte künstlicliche .
0,691 daz manic ouge gerne sach .
0,692 swaz aber von iemanne dâ geschach .
0,693 sô was der stolze Riwalîn .
0,694 unde muose ez ouch bînamen sîn .
0,695 der ez des tages unde an der stete .
0,696 ze wunsche vore in allen tet .
0,697 ouch nâmen sîn die vrouwen war .
0,698 unde jâhen des daz in der schar .
0,699 nieman nâch rîterlichem site .
0,700 alsô behenticlichen rite .
0,701 unde lobeten alle sîniu dinc .
0,702 unde jâhen “dirre jungelinc .
0,703 der ist ein sæliger man .
0,704 wie sæliclichen stêt im an .
0,705 allez daz daz er begât .
0,706 wie gar sîn lîp ze wunsche stât .
0,707 wie gênt im sô gelîche enein .
0,708 sîniu gar erwunschten bein .
0,709 wie rehte sîn schilt alle zît .
0,710 an sîner stat gelîmet lît .
0,711 wie zimet der schaft in sîner hant .
0,712 wie wole stêt allez sîn gewant .
0,713 wie stêt sîn houbet unde sîn hâr .
0,714 wie süeze ist elliu sîn gebâr .
0,715 wie sælic stêt al sîn lîp .
0,716 ô wole si sæligez wîp .
0,717 der vröuwede an im belîben sol .”
0,718 nû markte ir aller mære wole .

0,719 Blanscheffûr diu guote .
0,720 wan si in ouch in ire muote .
0,721 swaz ir decheiniu tæte .
0,722 ze hôhen werde hæte .
0,723 si hæte in in ire muot genomen .
0,724 er was ir in ire herze komen .
0,725 er truoc gewalticliche .
0,726 in ire herzen künincriche .
0,727 den zepter unde die krône .
0,728 daz si doch als schône .
0,729 unde alsô tougenlichen hal .
0,730 daz si ez in allen vore verstal .
0,731 nû daz der bûhurt zergie .
0,732 unde sich diu rîterschaft zerliez .
0,733 unde iegelicher kerte .
0,734 dar in sîn muot gelerte .
0,735 nû kom ez von geschichte alsô .
0,736 daz Riwalîn gekerte dô .
0,737 dâ Blanscheffûr diu schoene saz .
0,738 hier mite gesprangte er nâher baz .
0,739 unde als er under ire ougen sach .
0,740 vile minnicliche er zuo ir sprach .
0,741 “â ! ! ! ! .”
0,742 “! ! ! !”
0,743 unde sprach blûcliche .
0,744 “hêrre got der rîche .
0,745 der alliu herze rîche tuot .
0,746 der rîche iu herze unde muot .
0,747 hêrre iu sî grôze genigen .
0,748 unde aber des rehtes unverzigen .
0,749 des ich an iuch ze redenne hân .”
0,750 “ach süeze waz hân ich getân .”
0,751 sprach aber der stolze Riwalîn .
0,752 si sprach “an einem vriunde mîn .
0,753 den liebsten den ich ie gewan .
0,754 dâ habet ir mich beswæret an .”
0,755 “jâ hêrre” dâhte er wider sich .
0,756 “waz mære ist diz oder waz hân ich .
0,757 begangen wider ire hulden .
0,758 waz gît si mir ze schulden .”
0,759 unde wânte daz er eteswenne .
0,760 ire mâge disen oder den .
0,761 unwizzende an der rîterschaft .
0,762 gemachet hæte schadehaft .
0,763 dâ von ire herze swære .
0,764 unde im erbolgen wære .
0,765 nein ire vriunt des si gewuoc .
0,766 daz was ire herze in dem si truoc .

0,767 von sînen schulden ungemach .
0,768 daz was der vriunt von dem si sprach .
0,769 iedoch ne wesse er niht hier mite .
0,770 nâch sînem allîchen site .
0,771 sprach er vile minniclîchen ze ir .
0,772 “vrouwe ich ne wile niht daz ir mir .
0,773 haz oder argen willen traget .
0,774 wan ist ez wâr alse ir mir saget .
0,775 sô rihtet selbe über mich .
0,776 swaz ir gebietet daz tuon ich .”
0,777 diu sûeze sprach “durch dise geschiht .
0,778 hazze ich iuch doch ze sêre niht .
0,779 ich ne minne iuch ouch niht umbe daz .
0,780 ich wile iuch aber versuochen baz .
0,781 wie ir mir wellt ze buoze stân .
0,782 umbe daz daz ir mir habet getân .”
0,783 sus neic er ir unde wolte dannen .
0,784 unde si mîn vrouwe ersûftete in an .
0,785 vile tougenlîchen unde sprach .
0,786 ûz inniclîchem herzen “ach .
0,787 vriunt lieber got segene dich .”
0,788 dô allrêrest erhuop ez sich .
0,789 mit gedanken under in .
0,790 Riwalîn der kêrte hin .
0,791 in maniger slahte trahte .
0,792 er dâhte in maniger ahte .
0,793 waz Blanscheffiure swære .
0,794 und dirre mære wære .
0,795 ire gruoz ire rede bedâhte er gar .
0,796 ire sûft ire segen al ire gebâr .
0,797 daz markte er al besunder .
0,798 unde begunde iedoch hier under .
0,799 ire siuften unde ire sûezen segen .
0,800 ûf den wec der minne wegen .
0,801 er kom bînamen ûf den wân .
0,802 diu zwei diu wæren getân .
0,803 durch niht niuwan durch minne .
0,804 daz entzunde ouch sîne sinne .
0,805 daz si sâr wider vuoren .
0,806 unde nâmen Blanscheffûren .
0,807 unde vuorten si mit in zehant .
0,808 in Riwalînes herzen lant .
0,809 unde krônten si dâr inne .
0,810 im ze einer küniginne .
0,811 jâ Blanscheffûr unde Riwalîn .
0,812 der küninc diu sûeze künigin .
0,813 die teilten wole gelîche .
0,814 ire herzen künincrîche .

0,815 daz ire wart Riwalîne .
0,816 dâ widere wart ir daz sîne .
0,817 unde wesse iedoeh dewederz niht .
0,818 umbe des anderen geschiht .
0,819 si hæten sich wole under in zwein .
0,820 einmüeticliche unde rehte enein .
0,821 mit ire gedanken unternomen .
0,822 dâ was wole reht ze rehte komen .
0,823 si lac ouch im ze herzen .
0,824 mit dem selben smerzen .
0,825 den si von sînen schulden leit .
0,826 wan er aber gewisheit .
0,827 ire willen niene hæte .
0,828 in welicher wîse si ez tæte .
0,829 durch haz oder durch minne .
0,830 daz machete sîne sinne .
0,831 in zwîvele wanken .
0,832 er wankete mit gedanken .
0,833 wîlent abe unde wîlent an .
0,834 iezuo wolte er bînamen dannen .
0,835 unde alzehant sô wolte er dar .
0,836 unz er sich alse gar verwar .
0,837 in den stricken sîner trahte .
0,838 daz er dannen niene mahte .
0,6951 “diu kûningîn von Irlande .
0,6952 diu erkennet maniger hande .
0,6953 wurze unde aller krûte kraft .
0,6954 unde arzâtliche meisterschaft .
0,6955 diu kan eine disen list .
0,6956 unde anders nieman der dâr ist .
0,6957 diu en ner dich dû bist ungenesen .
0,6958 wilt dû mir noch gevolges wesen .
0,6959 unde mir des zinses jehente sîn .
0,6960 mîn swester diu kûningîn .
0,6961 diu muoz dich selbe heilen .
0,6962 unde ich wile mit dir teilen .
0,6963 gesellicliche swaz ich hân .
0,6964 unde wile dir nihtes abe gân .
0,6965 dâ dich dîn wille zuo getreit .”
0,6966 Tristrant sprach “mîne wârheit .
0,6967 unde mîn êre die ne gibe ich .
0,6968 durch dîn swester noch durch dich .
0,6969 ich hân in mîner vrîen hant .
0,6970 dâ her gevüeret zwei vrîiu lant .
0,6971 diu varnt ouch mit mir hinnen .
0,6972 oder ich muoz ir gewinnen .
0,6973 grôzen schaden oder aber den tût .
0,6974 doch en bin ich noch ze solicher nôt .

0,6975 mit einer wunden niht getriben
0,6976 daz ez allez hier an sî beliben .
0,6977 der kampf ist under uns beiden .
0,6978 ie noch vile ungescheiden .
0,6979 der zins ist dîn tât oder der mîn .
0,6980 hier mac niht anders ane gesîn .”
0,6981 hier mit ruorte er in aber an .
0,6982 nû sprichet daz vile lîhte ein man .
0,6983 ich selbe sprach ez ouch dâr zuo .
0,6984 got unde reht wâ sint si nû .
0,6985 Tristrandes strîtgesellen .
0,6986 ob si im iht helfen wellen .
0,6987 des nimet mich michel wunder .
0,6988 si sûment sich hier under .
0,6989 ire rotte unde ire geselleschaft .
0,6990 diu ist sêre worden schadehaft .
0,6991 si ne komen danne drâte .
0,6992 sô koment si ze spâte .
0,6993 von diu sô komen schiere .
0,6994 hier riten zwêne an viere .
0,6995 unde Tristrande niuwan umbe sîn leben .
0,6996 daz selbe daz ist ouch sêre ergeben .
0,6997 an zwîvel unde an untrôst .
0,6998 sulen si iemer werden erlöst .
0,6999 daz muoz vile kurzlîchen sîn .
0,7000 got unde reht diu riten in .
0,7001 mit rehtem urteile .
0,7002 ire rotte ze heile .
0,7003 ire vîanden ze valle .
0,7004 hier begunden si sich alle .
0,7005 gelîche rotieren .
0,7006 vier wider vieren .
0,7007 alsus reit schar wider schar .
0,7008 und Tristrant als er wart gewar .
0,7009 der sînen strîtgesellen .
0,7010 dô wuohs im muot unde ellen .
0,7011 im brâhte sîn geselleschaft .
0,7012 beidiu muot unde kraft .
0,7013 daz ors er mit den sporen nam .
0,7014 sô sêre er her gerüeret kam .
0,7015 daz er mit sîner gelust .
0,7016 hurtente mit des orses Brust .
0,7017 den vîant sô sêre erschalte .
0,7018 daz er in ze der erde valte .
0,7019 mit orse betalle .
0,7020 unde als er von dem valle .
0,7021 ein lützel sich erholete .
0,7022 unde wider ze dem orse wolte .

0,7023 nû was ouch Tristrant iesâ dâ .
0,7024 den helm den sluoc er im iesâ .
0,7025 daz er watete al dort hin dannen .
0,7026 hier mit sô lief in Môrolt an .
0,7027 durch die covertiure er sluoc .
0,7028 Tristrandes orse abe den buoc .
0,7029 daz er under im dâr nider gesaz .
0,7030 nû tet er weder wirs noch baz .
0,7031 wan spranc et anderhalp dâr van .
0,7032 Môrolt der listige man .
0,7033 den schilt ze rügge er kêrte .
0,7034 als in sîn witze lêrte .
0,7035 mit der hant sô greif er nider .
0,7036 den helm den nam er aber wider .
0,7037 er hæte in sîner wîsheit .
0,7038 alsô gedâht unde ûf geleit .
0,7039 sô er wider ze dem orse kæme .
0,7040 daz er den helm ûf næme .
0,7041 unde rite aber Tristranden an .
0,7042 nû er den helm ze sich gewan .
0,7043 unde hin ze dem orse gâhete .
0,7044 und dem alsô genâhte .
0,7045 daz er die hant ze dem britel liez .
0,7046 und den linken vuoz gestiez .
0,7047 wole vaste in den stegereif .
0,7048 und mit der hant den satel ergreif .
0,7049 nû hæte in Tristrant erzogen .
0,7050 er sluoc im ûf dem satelbogen .
0,7051 daz swert unde ouch die zeswen hant .
0,7052 daz sie beidiu vielen ûf den sant .
0,7053 mit ringen mitalle .
0,7054 under disem valle .
0,7055 gap er im aber einen slac .
0,7056 rehte oben dâ diu kupfe lac .
0,7057 unde truoc ouch dâr sô sêre nider
0,7058 dô er daz wâfen zuhte wider .
0,7059 daz von dem selben zucke .
0,7060 des swertes ein stücke .
0,7061 in sîner hirnschal beleip .
0,7062 daz ouch Tristranden sider treip .
0,7063 ze sorgen unde ze grôzer nôt .
0,7064 ez hæte in nâch brâht ûf den tôt .
0,7065 Môrolt daz trôstelôse her .
0,7066 dô er âne kraft unde âne wer .
0,7067 sô sêre türmelente gie .
0,7068 unde sich an den val verlie .
0,7069 “wie dô wie nû” sprach Tristran .
0,7070 “sô dir got Môrolt sage an .

0,7071 ist dir dirre mære iht kunt .
0,7072 mich dunket dû sîs sêre wunt .
0,7073 ich wæne dîn dinc übel stê .
0,7074 swie ez mîner wunden ergê .
0,7075 dir wære guoter wurze nôt .
0,7076 wâ nû dîn swester Isôt .
0,7077 swaz si von arzenîe hât gelesen .
0,7078 des wirdet dir nôt wil dû genesen .
0,7079 der rehte unde der gewære got .
0,7080 unde gotes gewærlich gebot .
0,7081 die habent dîn unreht wole bedâht .
0,7082 unde reht an mir ze rehte brâht .
0,7083 der müeze mîn ouch vürebaz pflegen .
0,7084 disiu hôchvart diu ist gelegen .”
0,7085 hier mit trat er im nâher baz .
0,7086 daz swert nam er unde gap daz .
0,7087 ze beiden sînen handen .
0,7088 er sluoc sînem anden .
0,7089 daz houbet mit der kupfen abe .
0,7090 sus kêrte er wider zuo der habe .
0,7091 dâ er Môroldes schif dâ vant .
0,7092 dâ saz er in unde vuor zehant .
0,7093 gein der state unde gein dem her
0,7094 aldâ gehôrte er bî dem mer .
0,7095 grôze vröuwede unde grôze klage .
0,7096 vröuwede unde klage als ich iu sage .
0,7097 den sælde an sînem sige lac .
0,7098 den was ein sæliclicher tac .
0,7099 unde michel vröuwede erstanten .
0,7100 si slageten mit handen .
0,7101 si lobeten got mit munde .
0,7102 si sunge an der stunte .
0,7103 ze himele michel sigeliet .
0,7104 sô was ez aber der vremeden diet .
0,7105 den leiden gesten von Irlant .
0,7106 die dar wæren gesant .
0,7107 ze michelem leide ertaget .
0,7108 von den wart als vile geklaget .
0,7109 als von disen gesungen .
0,7110 si wunden unde twungen .
0,7111 ire arme unde under ire henden .
0,7112 die jâmerigen ellenden .
0,7113 die klagenten Irlantære .
0,7114 die wîle si in ire swære .
0,7115 ze scheffen wolten gâhen .
0,7116 Tristrant begunde in nâhen .
0,7117 an dem stade bekom er in .
0,7118 “ir hêrren” sprach er “kêrt hin .

0,7119 entvâhet jenez zinsreht .
0,7120 den ir dort ûf dem werde sehet .
0,7121 unde bringet ez iuwerem hêrren heim .
0,7122 unde saget im daz mîn oeheim .
0,7123 der küninc Marke unde sîniu lant .
0,7124 diu senden im disen prêsant .
0,7125 unde entbieten im dâ bî .
0,7126 swenne ez an sînen willen sî .
0,7127 daz er es geruoche unde ger .
0,7128 daz er sîne boten her .
0,7129 nâch solichem zinse sende .
0,7130 wir en lâzen sie îtelehende .
0,7131 niemer wider gekêren .
0,7132 mit sus getânen êren .
0,7133 senden wir sie im hinnen .
0,7134 swie kûme wir ez gewinnen .”
0,7135 swaz hier under rede ergie .
0,7136 mit dem schilde dahte er ie .
0,7137 daz bluot unde die wunden .
0,7138 vore den unkunden .
0,7139 unde ernerte ouch in daz selbe sider .
0,7140 wan jene die kômen alsô wider .
0,7141 daz ez decheiner nie bevant .
0,7142 wan si schieden dannen zehant .
0,7143 unde vuoren hin ze dem werde sâr .
0,7144 unde vuntên vûre ire hêrren dâ .
0,7145 einen zerstuhten man .
0,7146 den selben vuorten si ouch von dannen .
0,7147 nû si ze lande kâmen .
0,7148 ze handen si nâmen .
0,7149 den jâmerlîchen prêsant .
0,7150 der bî in dar was gesant .
0,7151 diu stücke meine ich alliu driu .
0,7152 zesamene leiten si diu .
0,7153 daz ieman iht dâ von verlûre .
0,7154 ire hêrren truogen si vûre .
0,7155 unde seiten im als ich êr las .
0,7156 vile rehte als im entboten was .
0,7157 ich wæne unde versihe mich wole .
0,7158 des ich mich wole versehen sol .
0,7159 der küninc Gurmûn gemuoticheit .
0,7160 der hæte unmuot unde michel leit .
0,7161 des gienc in grôziu nôt an .
0,7162 er verlôs an disem einen manne .
0,7163 herze unde muot trôst unde kraft .
0,7164 unde maniges mannes rîterschaft .
0,7165 diu schîbe diu sîn êre truoc .
0,7166 die Môrolt vrîlîchen sluoc .

0,7167 in den bîlanden allen .
0,7168 diu was dô nider gevallen .
0,7169 diu kûningîn sîn swester .
0,7170 der leit was aber noch vester .
0,7171 ire jâmer unde ire klagenôt .
0,7172 si unde ire tochter Isôt .
0,7173 die quelten manige wîse ire lîp .
0,7174 als ir wole wizzet daz diu wîp .
0,7175 vile nâhe gênte klage hânt .
0,7176 dâ in diu leit ze herzen gânt .
0,7177 si sâhen disen tôten man .
0,7178 durch niht niuwan durch jâmer an .
0,7179 durch daz ire herzeswære .
0,7180 al deste grôzer wære .
0,7181 daz houbet kusten sie unde die hant .
0,7182 diu in liute unde lant .
0,7183 hæte gemachet undertân .
0,7184 als ich hier vore gesaget hân .
0,7185 des houbetes wunden .
0,7186 besâhen sie obe unde unden .
0,7187 ange unde jâmerlîche .
0,7188 nû ersach diu sinnerîche .
0,7189 diu wîse kûninginne .
0,7190 die scharten dâr inne .
0,7191 si besande ein kleinez zengelîn .
0,7192 dâ mite reichte si dâr in .
0,7193 unde gewan die scharten dannen .
0,7194 si unde ire tochter sâhen sie an .
0,7195 mit jâmer unde mit leide .
0,7196 unde nâmen si dô beide .
0,7197 unde leiten sie in einen schrîn .
0,7198 dâ sît daz selbe stückelîn .
0,7199 Tristranden brâhte ze nôt .
0,7200 nû hêrre Môrolt der ist tôt .
0,7201 tribe ich nû michel mære .
0,7202 von ire aller swære .
0,7203 und von ire klage waz hilfet daz .
0,7204 uns ist nihtes desten baz .
0,7205 wer mohte ire aller leit beklagen .
0,7206 Môrolt wart ze grabe getragen .
0,7207 begraben als ein ander man .
0,7208 Gurmûn trûren began .
0,7209 unde hiez gebieten alzehant .
0,7210 über al daz rîche ze Irlant .
0,7211 daz man genôte næme war .
0,7212 swaz in der werlde lebentes dar .
0,7213 von Kurnewâle kæme .
0,7214 daz man im den lîp næme .

0,7215 ez wære wîp oder man .
0,7216 diz gebot unde dirre ban .
0,7217 der gie vüre sich sô sêre .
0,7218 daz nieman decheine kêre .
0,7219 ze deheiner slahte stunte .
0,7220 swâ man ir iht erkunte
0,7221 von kurnewalischer diete .
0,7222 daz der decheine miete .
0,7223 mohte gebieten oder gegeben .
0,7224 ez gienc im niuwan an daz leben .
0,7225 biz maniger muoter kint dâ von .
0,7226 unschuldiclîchen schaden gewan .
0,7227 unde was daz allez âne nôt .
0,7228 Môrolt lac bilîchen tôt .
0,7229 er was niuwan an sîner kraft .
0,7230 unde niht ane gote gemuothaft .
0,7231 unde vuorte ze allen zîten .
0,7232 ze allen sînen strîten .
0,7233 gewalt unde hôchvart .
0,7234 in der er ouch gevellet wart .
0,7235 nû grîfe wider dâ ich ez liez .
0,7236 Tristrant dô der ze stade gestiez .
0,7237 âne ros unde âne sper .
0,7238 nû kômen tûsent rote her .
0,7239 gedrunge mit ire gruoze .
0,7240 ze orse unde ze vuoze .
0,7241 si entviengen in vroelîche .
0,7242 küninc unde künincrîche .
0,7243 die gelebeten nie sô lieben tac .
0,7244 daz man in wole gelouben mac .
0,7245 wan in was ûf erstanten .
0,7246 grôz êre ûz sînen handen .
0,7247 ire aller laster unde ire leit .
0,7248 daz hæte er eine hine geleit .
0,7249 aber die wunden die er truoc .
0,7250 die beklageten si genuoc .
0,7251 unde giengen in sêre nâhen .
0,7252 wan si sich aber versâhen .
0,7253 daz er von dirre swære .
0,7254 schiere genesen wære .
0,7255 dô ne ahteten si ez ze nihte .
0,7256 si vuorten in enrihte .
0,7257 hinewider ze dem palase under in .
0,7258 wole balde entwâfeneten si in .
0,7259 si schuofen im senfte unde gemach .
0,7260 als er oder ieman vore gesprach .
0,7261 arzâte man besande .
0,7262 von bûrgen unde von lande .

0,7263 die allerbezzisten die man vant .
0,7264 wie dô die wurden besant .
0,7265 die leiten allen ire sin .
0,7266 mit arzâtlichem liste an in .
0,7267 waz truoc daz vür oder waz half daz .
0,7268 im was doch nihtes desten baz .
0,7269 daz sie alle sament wisten .
0,7270 von arzâtlichen listen .
0,7271 daz mohte im niht ze staten gestân .
0,7272 daz gelüppe was alsô getân .
0,7273 daz si ez mit nihte kunden .
0,7274 gescheiden von der wunden .
0,7275 unze ez im al den lîp ergienc .
0,7276 unde varwe gevienc .
0,7277 sô jâmerlîcher hande .
0,7278 daz man in kûme erkante .
0,7279 dâr zuo gevie der selbe slac
0,7280 einen sô griuwelîchen smac .
0,7281 daz im daz leben swârte .
0,7282 sîn selbes lîp unmæрте .
0,7283 ouch was sîn meisteز ungemach .
0,7284 daz er daz alle tage wole sach .
0,7285 daz er den begunde swâren .
0,7286 die sîne vriunde êr wâren .
0,7287 unde erkante ie baz unde baz .
0,7288 Môrordes rede ouch hæte er daz .
0,7289 êmâles dicke wole vernomen .
0,7290 wie schoene unde wie volkomen .
0,7291 Isôt sîn swester wære .
0,7292 wan von ir vlouc ein mære .
0,7293 in allen den bîlanden .
0,7294 die ire namen erkanten .
0,7295 diu wîse Isôt diu schoene Isôt .
0,7296 liuhte alsô der morgenrôt .
0,7297 Tristan der sorchafte man .
0,7298 hier dâhte er ze allen zîten an .
0,7299 unde wesse wole solte er genesen .
0,7300 daz kunde niemer gewesen .
0,7301 wan eine von ire liste .
0,7302 diu disen list dâ wiste .
0,7303 diu sinnerîche kûningîn .
0,7304 wie ez aber mohte gesîn .
0,7305 des kunde er niht betrahten .
0,7306 nû begunde er aber daz ahten .
0,7307 sît ez sîn tôt doch wære .
0,7308 sô wære im als mære .
0,7309 der lîp gewâget oder tôt .
0,7310 als disiu tôtliche nôt .

0,7311 hier mit besatzte er sînen sin .
0,7312 er wolte bînamen dâ hin .
0,7313 ez ergienge im swie got wolte .
0,7314 genære ob er solte .
0,7315 sînen oeheim den besande er .
0,7316 er seite im al von ende her .
0,7317 sîn tougen unde sînen muot .
0,7318 als ein vriunt sînen vriunde tuot .
0,7319 wes im wille wære
0,7320 nâch Môroldes mære .
0,7321 diz geviel im übele unde wole .
0,7322 wan daz man schaden ze noeten sol .
0,7323 dulten sô man bezziste kan .
0,7324 under zwein übelen kieser sol ein man .
0,7325 daz denne minner übel ist .
0,7326 daz selbe ist ouch ein nütze list .
0,7327 sus wurden si zwêne under in zwein .
0,7328 ire dinges alles enein .
0,7329 als ez ouch allez geendet wart .
0,7330 wie er volande sîne vart .
0,7331 wie man ez verswîgen solte .
0,7332 daz er ze Irlande wolte .
0,7333 wie man solte sagen mære .
0,7334 daz er ze Salerne wære .
0,7335 durh sînes lîbes genist .
0,7336 nû disiû rede gesetzet ist .
0,7337 Kurvenâl wart besant .
0,7338 dem selben seiten sie ouch zehant .
0,7339 ire beider willen unde ire muot .
0,7340 ez dûhte Kurvenâlen guot .
0,7341 unde jach er wolte mit im wesen .
0,7342 mit im ersterben unde genesen .
0,7343 unde als ez âbent wart .
0,7344 nû bereitte man in zuo ze ire vart .
0,7345 ein barke unde ein schiffelîn .
0,7346 unde leite in vollen rât dâr in .
0,7347 an lîpnare unde an spîse .
0,7348 an andere schifwîse .
0,7349 dâ wart der arme Tristan .
0,7350 mit maniger klage getragen an .
0,7351 vile tougenlîchen unde alsô .
0,7352 daz dirre schiffunge dô .
0,7353 vile lützel ieman wart gewar .
0,7354 wan die man ouch besande dar .
0,7355 sînem oeheime Marke .
0,7356 dem bevalch er als starke
0,7357 sîn gesinde unde ander sîn dinc .
0,7358 daz sînes dinges iemer rinc .

0,7359 von einander kæme .
0,7360 biz man von im vernæme .
0,7361 gewislîchiu mære .
0,7362 wie ez im ergangen wære .
0,7363 sîne harpfen er besande .
0,7364 die vuorte er ouch von lande .
0,7365 unde sînes dinges nie niht mêr .
0,7366 hier mit sô stiezen sie an den sê .
0,7367 sus vuoren si von dannen .
0,7368 niuwan mit ahte mannen .
0,7369 die selben hæten ouch ire leben .
0,7370 ze bürgen unde ze pfande gegeben .
0,7371 unde ouch versichert bî gote .
0,7372 daz sie ûz ir zweier gebote .
0,7373 niemer vuoz getræten .
0,7374 nû si geschiffet hæten .
0,7375 unde Marke nâch Tristrande sach .
0,7376 sîn kurzewîle unde sîn gemach .
0,7377 ich weiz wole daz was kleine .
0,7378 ze herzen unde ze beine .
0,7379 gienc im daz selbe scheiden .
0,7380 wan daz ez aber in beiden .
0,7381 ze vröuweden unde ze heile kam
0,7382 nû daz lantvolc vernam .
0,7383 mit wie getâner swære .
0,7384 Tristrant gevaren wære .
0,7385 ze Salerne durch genesen .
0,7386 wær er ire aller kint gewesen .
0,7387 sîn leit ne wære in allen nie .
0,7388 nâher gegangen danne ez gie .
0,7389 wan im al sîn ungemach .
0,7390 in ire dieneste geschach .
0,7391 al desten nâher gienc ez in .
0,7392 Tristrant der vuor allez hin .
0,7393 über state unde über maht .
0,7394 beidiu tage unde naht .
0,7395 die rihte gegen Irlant .
0,7396 als in des marnæres hant .
0,7397 wole geleiten kunde .
0,7398 unde als daz schef begunde .
0,7399 Irland alsô genâhen .
0,7400 daz si daz lant an sâhen .
0,7401 Tristran den sturmeister bat .
0,7402 daz er sich gein der houbetstat .
0,7403 ze Develîne wande .
0,7404 wan er daz wole erkante .
0,7405 daz diu wîse küniginne .
0,7406 hæte ire wesen dâr inne .

0,7407 des endes er dô gâhete .
0,7408 unde als er ir genâhte .
0,7409 daz er si kôs unde ebene sach .
0,7410 “hêrre” er ze Tristrande sprach .
0,7411 “ich sihe die stat waz râtet ir .”
0,7412 Tristran sprach “dâ sulen wir .
0,7413 hier kêren unde belîben .
0,7414 disen âbent hier vertrîben .
0,7415 unde ouch der naht ein teil hier sîn .”
0,7416 sus wurfen si den anker in .
0,7417 unde ruoweten den âbent dâ .
0,7418 in der naht dô hiez er sâr .
0,7419 gein der stat hin lâzen gân .
0,7420 als daz dô was getân .
0,7421 daz si sô nâhen kâmen .
0,7422 daz si gemerke nâmen .
0,7423 eine halbe mîle von der stat .
0,7424 Tristrant im dô geben bat .
0,7425 daz allerarmeste gewant .
0,7426 daz man in der barken vant .
0,7427 als man im daz ane getet .
0,7428 er hiez sich legen an der stete .
0,7429 ûz der barken in daz schiffelîn .
0,7430 sîne harpfen hiez er ouch dâr in .
0,7431 unde in der mâze spîse geben .
0,7432 daz er ir mohte geleben .
0,7433 drî tage oder viere .
0,7434 diz was allez schiere .
0,7435 nâch sînen willen getân .
0,7436 Kurvenâlen hiez er vûre sich gân .
0,7437 unde ouch die schifman mit im .
0,7438 “vriunt Kurvenâl” sprach er nû nim .
0,7439 dise barken unde dit liut an dich .
0,7440 pflige ir schône unde wole durh mich .
0,7441 alle stunte unde alle zît .
0,7442 alse ir wider komen sît .
0,7443 sô lône alse rîche .
0,7444 daz si unser heimeîliche .
0,7445 getriuwelîchen mit uns tragen .
0,7446 unde niemanne niht hier umbe sagen .
0,7447 kêre balde wider heim .
0,7448 grûeze mînen oeheim .
0,7449 sage im daz ich noch lebe .
0,7450 unde müge ouch wole mit gotes gebe .
0,7451 wole vûrebaz leben und genesen .
0,7452 er sol niht leidic umbe mich wesen .
0,7453 unde sage im daz ze wâre .
0,7454 ich kome in disem jâre .

0,7455 ist daz ich genesen sol .
0,7456 gelinget mînen dingen wole .
0,7457 daz wirdet im schiere bekant .
0,7458 sage in den hov unde in daz lant .
0,7459 oder ich belibe in dirre nôt .
0,7460 underwegen oder ûf der verte tôt .
0,7461 mîn gesinde daz ich noch dâ habe .
0,7462 des lâ bînamen niht komen abe .
0,7463 sich daz si mîn dâ bîten .
0,7464 biz den selben zîten .
0,7465 als ich dir hier gesaget hân .
0,7466 unde ist aber ez alsô getân .
0,7467 daz mir in dirre jârs vrist .
0,7468 gelücke niht geschehen ist .
0,7469 sô müget ir iuch wole mîn bewegen .
0,7470 sô lâ ir got der sêle pflegen .
0,7471 unde nemet ir iuwer selbes war .
0,7472 sô nim mîn liut unde var .
0,7473 hin heim ze Parmenîe wider .
0,7474 unde lâ dich bî Rûale nider .
0,7475 mînem vater dem sage von mir .
0,7476 daz er mir mîner triuwe an dir .
0,7477 durch sîne triuwe lône .
0,7478 unde biete dir ez schône .
0,7479 tugentliche als er wole kan .
0,7480 underwîse in ouch dâr an .
0,7481 die mir haben gedienet her .
0,7482 daz er mich an den gewer .
0,7483 einer bete unde decheiner mêt .
0,7484 als iegelîches dienest stê .
0,7485 daz er danke unde lône alsô .
0,7486 “nû lieben vriunde” sprach er dô .
0,7487 “hier mite sît ir gote ergeben .
0,7488 vart iuwer strâze lâ mich sweben .
0,7489 ich muoz ze disen zîten .
0,7490 der gotes genâden bîten .
0,7491 ir habet ouch zît daz ir vart .
0,7492 iuweren lîp unde iuwer leben bewart .
0,7493 ez nâhet vaste gein dem tage .”
0,7494 sus kêrten si mit maniger klage .
0,7495 unde mit manigem jâmer hin .
0,7496 mit trûrigem herzen liezen si in .
0,7497 swebente ûf dem wilde sê .
0,7498 in getet nie scheiden als wê .
0,7499 ein iegelich getriuwer man .
0,7500 der ie getriuwen vriunt gewan .
0,7501 unde weiz wie man den meinen sol .
0,7502 entriuwen der verstêt sich wole .

0,7503 umbe Kurvenâles swære .
0,7504 swie swære im aber wære .
0,7505 al sîn herze unde al sîn sin .
0,7506 sô schiffet er doch allez hin .
0,7507 Tristrant beleip aleine dâ .
0,7508 der swebete wâ unde wâ .
0,7509 mit jâmer unde mit sorgen .
0,7510 unze an den liechten morgen .
0,7511 alse die von Develîne .
0,7512 daz wîselôse schæfelîn .
0,7513 in dem wâge ersâhen .
0,7514 si hiezen balde gâhen .
0,7515 unde nemen des schiffelînes war .
0,7516 die boten kêrten iesâ dar .
0,7517 nû si begunden nâhen .
0,7518 und dannoch nieman sâhen .
0,7519 nû gehôrten sie aldort her
0,7520 suoze unde nâch ire herzen ger .
0,7521 eine süeze harpfen klingen .
0,7522 unde mit der harpfen singen .
0,7523 einen man sô rehte suoze .
0,7524 daz si ez in ze einem gruoze .
0,7525 und ze âventiure nâmen .
0,7526 unde von der stat nie kâmen .
0,7527 die wîle er harpfente sanc .
0,7528 diu vröuwede diu was aber unlanc .
0,7529 die si von im hæten an der stete .
0,7530 swaz er in dâ spiles getet .
0,7531 mit handen oder mit munde .
0,7532 daz gie niht von grunde .
0,7533 daz herze was niht dâr mite .
0,7534 ist ez ouch niht spiles site .
0,7535 daz man ez decheine wîle tuo .
0,7536 daz herze daz en stê dâr zuo .
0,7537 alein geschehe es harte vile .
0,7538 ez en heizet doch rehtez spil .
0,7539 daz man sus ûzen hin getuot .
0,7540 âne herze unde âne muot .
0,7541 wan daz jugent Tristranden .
0,7542 mit munde unde ouch mit handen .
0,7543 ir ze einer kurzewîle twanc .
0,7544 daz er harpfete unde sanc .
0,7545 ez was dem marterære .
0,7546 ein marter unde ein swære .
0,7547 als er sîn spil dô verliez .
0,7548 daz ander spil dar nâher stiez
0,7549 sus griffen sie an sîn schiffelîn .
0,7550 unde warteten widerstrît dâr in .

0,7551 unde sîn begunden nemen war .
0,7552 unde in sô jâmerlîchen varw .
0,7553 unde sôgetânen sâhen .
0,7554 nû begunde ez in versmâhen .
0,7555 daz er daz wunder kunte .
0,7556 mit handen unde mit munde .
0,7557 doch gruozen si in als einen man .
0,7558 der guoten gruoze verdienen kan .
0,7559 mit munde unde ouch mit handen .
0,7560 unde bâten dô Tristranden .
0,7561 daz er in seite mære .
0,7562 wie ez im ergangen wære .
0,7563 “diz sage ich iu” sprach Tristran .
0,7564 “ich was ein hövischer spileman .
0,7565 unde kunde genuoge .
0,7566 hövischheit unde vuoge .
0,7567 sprechen unde swîgen .
0,7568 lîren unde gîgen .
0,7569 harpfen unde rotten .
0,7570 schimpfen unde spotten .
0,7571 daz kunde ich allez als wole .
0,7572 als sôgetân liut von rehte sol .
0,7573 dâ mit gewan ich sô genuoc .
0,7574 biz daz guot mich übertruoc .
0,7575 unde mêre haben wolte .
0,7576 danne ich von rehte solte .
0,7577 sus liez ich mich an koufrât .
0,7578 der mir den lîp verrâten hât .
0,7579 ze gesellen ich gewan .
0,7580 einen rîchen koufman .
0,7581 unde luoden wir zwêne einen kiel .
0,7582 mit allem diu als uns geviel .
0,7583 dâ heime ze Ispanje .
0,7584 unde wolten ze Britanje .
0,7585 alsô bestuont uns ûf dem mer .
0,7586 in einem scheffe ein rouphe .
0,7587 die nâmen uns kleine unde grôz .
0,7588 unde sluogen mînen koufgenôz .
0,7589 unde allez daz dâ lebente was .
0,7590 daz aber ich eine genas .
0,7591 mit dirre wunden die ich hân .
0,7592 daz hât diu harpfe getân .
0,7593 an der ir iegelîcher sach .
0,7594 als ich in selbe verjach .
0,7595 ich wære von arte ein spileman .
0,7596 sus gewan ich in mit noeten an .
0,7597 diz selbe kleine schiffelîn .
0,7598 unde sô vile spîse dâr in .

0,7599 daz ich ir hân biz her gelebet .
0,7600 sus bin ich eine sider geswebet .
0,7601 mit marter unde mit maniger klage .
0,7602 wole vierzic nahte unde vierzic tage .
0,7603 swar mich die winde truogen .
0,7604 die wilden ünde sluogen .
0,7605 wîlent her unde wîlent hin .
0,7606 unde kan niht wizzen wâ ich bin .
0,7607 unde weiz noch minner war ich sol .
0,7608 nû tuot ir hêrren als wole .
0,7609 daz iu lône unser trehtîn .
0,7610 unde helfet mir dâ liute sîn .”
0,7611 “geselle” sprâchen aber die boten .
0,7612 “dîner süezen stimme unde dîner noten .
0,7613 der solt dû hier geniezen .
0,7614 dû ne solt niht langer vliezen .
0,7615 âne trôst unde âne rât .
0,7616 swaz sô dich her gevüeret hât .
0,7617 got wazzer oder wint .
0,7618 wir bringen dich dâ liute sint .”
0,7619 diz tâten si ouch si vuorten in .
0,7620 mit schiffelîne mitalle hin .
0,7621 an die stat als er si bat .
0,7622 sîn schef haften sie an daz stat .
0,7623 unde sprâchen aber “sich spileman .
0,7624 nim war sich dise burc an .
0,7625 unde dise schoene stat hier bî .
0,7626 weist dû noch waz stete ez sî .”
0,7627 “nein hêrre ich ne weiz niht waz ez ist .”
0,7628 “sô sagen wir dir daz daz dû bist .
0,7629 ze Develîne in Irlande .”
0,7630 “des lobe ich den heilant .
0,7631 daz ich doch under liuten bin .
0,7632 wan eteswer ist under in .
0,7633 der sîne gûete an mir begât .
0,7634 unde tuot mir eteslîchen rât .”
0,7635 hier mit kêrten die boten hin .
0,7636 unde begunden under in .
0,7637 mit rede von sînen sachen .
0,7638 vile michel wunder machen .
0,7639 si seiten wider ze mære .
0,7640 waz in widervaren wære .
0,7641 âventiure an einem manne .
0,7642 dâ man sich es lützel an .
0,7643 unde niemer solte versehen .
0,7644 si seiten als ez was geschehen .
0,7645 êr si dar nâher kâmen .
0,7646 daz si aldort her vernâmen .

0,7647 einen alsô süezen harpfenklanc .
0,7648 unde mit der harpfen einen sanc .
0,7649 got mohte in gerne hoeren .
0,7650 in sînen himelkoeren .
0,7651 unde jâhen daz der wære .
0,7652 ein rehter marterære .
0,7653 ein tôtwunder spileman .
0,7654 “wole hin ir sehet ez im wole an .
0,7655 er stirbet morgen oder noch .
0,7656 unde in der marter hât er doch .
0,7657 einen muot sô lebelîchen .
0,7658 in allen künincricîchen .
0,7659 vûnte man ein herze niht .
0,7660 daz alsô grôzer ungeschicht .
0,7661 mohte genemen sô kleine war .”
0,7662 die burgære kêrten dar .
0,7663 unde triben maniger hande .
0,7664 mære mit Tristrande .
0,7665 unde vrâgeten in sus unde sô .
0,7666 aber seite er iegelîchem dô .
0,7667 in der gelegenheite .
0,7668 als er den boten êr seite .
0,7669 nû bâten si in er harpfete in .
0,7670 unde er leite allen sînen sin .
0,7671 an ire gebot unde an ire bet .
0,7672 wan er ez mit vollem herzen tet .
0,7673 swâ mit er sich in kunde .
0,7674 mit handen unde mit munde .
0,7675 gelieben daz was al sîn ger .
0,7676 des vleiz er sich unde daz tet er .
0,7677 alse der arme spileman .
0,7678 wider sînes lîbes stæte began .
0,7679 sîn harpfen unde sîn singen .
0,7680 sô rehte suoze bringen .
0,7681 ez begunde es alle erbarmen .
0,7682 sus hiezen si den armen .
0,7683 ûz sînem schiffelîne tragen .
0,7684 unde einem arzâte sagen .
0,7685 daz er in ze hûse næme .
0,7686 unde swaz im rehte kæme .
0,7687 daz er des vlîz hæte .
0,7688 unde umbe ire guot im tæte .
0,7689 beidiu helfe unde gemach .
0,7690 diz wart getân unde ez geschach .
0,7691 als er in hin heim brâhte .
0,7692 al sîn gemach bedâhte .
0,7693 als er ez allerbezziste .
0,7694 von sînen sinnen weste .

0,7695 daz half allez kleine .
0,7696 diz mære wart gemeine .
0,7697 über al die stat ze Develîne .
0,7698 ein schar gienc ûz diu ander in .
0,7699 unde klagetên sîn ungemach .
0,7700 in der wîle ez dô geschach .
0,7701 daz ein pfaffe dâr in kam .
0,7702 unde sîne vuoge vernam .
0,7703 an handen unde an munde .
0,7704 wan er ouch selbe kunde .
0,7705 list unde kunst genuoge .
0,7706 mit handen manige vuoge .
0,7707 an iegelîchem seitspile .
0,7708 unde kunde ouch vremeder sprâche vile .
0,7709 an vuoge unde an hövischheit .
0,7710 hæte er gewendet unde geleit .
0,7711 sîne tage unde sîne sinne .
0,7712 der was der küniginne .
0,7713 meister unde gesinde .
0,7714 unde hæte si von kinde .
0,7715 gewitziget sêre .
0,7716 an maniger guoten lêre .
0,7717 mit manigem vremedem liste
0,7718 den si von im wiste .
0,7719 ouch lêrte er ie genôte .
0,7720 ire tohter Isôte .
0,7721 die reine erwünscheten maget .
0,7722 von der diu werlt alliu saget .
0,7723 von der disiu mære sint .
0,7724 diu was ire einigez kint
0,7725 unde hæte alle ire vlîzicheit .
0,7726 sît des tages an si geleit .
0,7727 daz si iht gelêren kunde .
0,7728 mit handen unde mit munde .
0,7729 die hæte er ouch in sîner pflege .
0,7730 die lêrte er dô unde alle wege .
0,7731 beidiu buoch unde seitspil .
0,7732 dô der an Tristrande als vile .
0,7733 schoener kunst unde vuoge ersach .
0,7734 im erbarmete sîn ungemach .
0,7735 vile inniclîchen sêre .
0,7736 unde beit ouch dô nie mêre .
0,7737 er gie ze der küniginne danne .
0,7738 unde seite ir daz ein spileman .
0,7739 in der stat dâ wære .
0,7740 der wære ein marterære .
0,7741 unde tôt mit lebentem lîbe .
0,7742 und daz nie man von wîbe .

0,7743 sîner kunst als ûz erkoren .
0,7744 noch baz gemuot würde geboren .
0,7745 “â” sprach er “edeliu kûningîn .
0,7746 mohte ez iemer gesîn .
0,7747 daz wir dâr zuo gedâhten .
0,7748 daz wir in eteswar brâhten .
0,7749 dar ir mit vuoge kâmet .
0,7750 daz wunder vernâmet .
0,7751 daz ein sterbenter man .
0,7752 als innicliche suoze kan .
0,7753 geharpfen unde gesingen .
0,7754 und doch an sînen dîngen .
0,7755 weder rât noch helfe kan gewesen .
0,7756 wan er kan niemer genesen .
0,7757 sîn meister unde sîn arzât .
0,7758 der sîn biz her gepflegen hât .
0,7759 der hât in ûz der pflege lân .
0,7760 er mac im niht ze staten gestân .
0,7761 mit neheiner slahte sinne .”
0,7762 “sich” sprach diu kûninginne .
0,7763 “dû solt den kameræren sagen .
0,7764 müge er ez iemer vertragen .
0,7765 und verdolen daz man in handel .
0,7766 unde underhanten wandel .
0,7767 daz si in her ûf bringen .
0,7768 obe im ze sînen dîngen .
0,7769 decheiner slahte helfe tuge .
0,7770 oder obe in iht ernerer müge .”
0,7771 diz wart getân unde geschach .
0,7772 nû daz diu kûningîn gesach .
0,7773 sîn angest albegarwe .
0,7774 die wunden unde ire varwe .
0,7775 nû erkante si daz gelüppe dâ .
0,7776 “ach armer spilman” sprach si sâr .
0,7777 “dû bist mit gelüppe wunt .”
0,7778 “ich ne weiz” sprach Tristrant sâr zestunt .
0,7779 “ich kan niht wizzen waz ez ist .
0,7780 wan mir kan decheines arzâtes list .
0,7781 gehelfen noch gevrumen hier zuo .
0,7782 nû ne weiz ich mêre waz ich tuo .
0,7783 wan ich muoz mich gote ergeben .
0,7784 unde leben die wîle ich mac geleben .
0,7785 swer aber genâde an mir begê .
0,7786 sît ez mir kumberlîchen stê .
0,7787 dem lône got mir ist helfe nôt .
0,7788 ich bin mit lebentem lîbe têt .”
0,7789 diu wîse sprach im aber zuo .
0,7790 “sage an spilman wie heizes dû .”

0,7791 "vrouwe ich heize Tantris ."
0,7792 "Tantris wis an mir gewis .
0,7793 daz ich dich bînamen neren sol .
0,7794 wis gemuot unde gehabe dich wole .
0,7795 ich well dîn arzât selbe sîn ."
0,7796 "genâde sûeziu kûningîn .
0,7797 diu zunge diu grüne iemer .
0,7798 daz herze ersterbe niemer
0,7799 diu wîsheit diu müeze iemer leben .
0,7800 den helfelôsen helfe geben .
0,7801 dîn name müeze iemer werden .
0,7802 gewirdet ûf der erden ."
0,7803 "Tantris" sprach diu kûningîn .
0,7804 "mohte ez an dînen staten sîn .
0,7805 wan daz dû aber sô unkreftic bist .
0,7806 als daz dechein wunder an dir ist .
0,7807 sô hôte ich gerne harpfenspil .
0,7808 des kanst dû hoere ich sagen vile ."
0,7809 "nein vrouwe sprechet alsô niht .
0,7810 mich irret dechein mîn ungeschilt .
0,7811 ich en tuo unde müge ez harte wole .
0,7812 daz iuwer dienst wesen sol ."
0,7813 sus wart sîn harpfe dar – besant .
0,7814 ouch besande man zehant .
0,7815 die jungen kûninginne .
0,7816 daz wære insigel der minne .
0,7817 mit dem sîn herze sider wart .
0,7818 versigelt unde vore verspart .
0,7819 aller der werlt gemeiner .
0,7820 niuwan ir al einer .
0,7821 diu schoene Isôt si kom ouch dar .
0,7822 unde nam vile vlîziclichen war .
0,7823 dâ Tristrant harpfente saz .
0,7824 nû harpfete er noch michel baz .
0,7825 danne er ie dâ vore getæte .
0,7826 wan er gedingen hæte .
0,7827 sîn ungelücke wær hin .
0,7828 dô sanc er unde harpfete in .
0,7829 niht als ein lebelôser man .
0,7830 er vienc ez lebelichen an .
0,7831 unde als der wolegemuote tuot .
0,7832 er machete in ez sô reht guot .
0,7833 mit handen unde mit munde .
0,7834 daz er in der kurzen stunte .
0,7835 ire aller hulde alsô gevienc .
0,7836 daz ez im ze allem guote ergienc .
0,7837 unde alles des spiles des er getet . –[...]
0,18131 –[...] unde schein diu sunne sêre

0,18132 leider ûf ire êre .
0,18133 zweier hande sunnenschîn .
0,18134 der glastte der kûningîn .
0,18135 in ire herze unde ire sinne .
0,18136 diu sunne unde diu minne .
0,18137 der senente muot diu heize zît .
0,18138 diu muoten si in widerstrîte .
0,18139 sus wolte si dem strîte .
0,18140 dem muote unde dem zîte .
0,18141 mit einem liste entwichen sîn .
0,18142 unde viel enmitten dâr in
0,18143 si begunde in ire boumgarten .
0,18144 ire gelegenheite warten .
0,18149 alzehant als si die vant .
0,18150 si hiez ein bette dar zehant .
0,18151 rîche unde schoene machen .
0,18152 kulter unde lînlachen .
0,18153 purper unde blîât .
0,18154 kûnincliche bettewât .
0,18155 wart über daz bette geleit .
0,18156 nû daz bette was bereit .
0,18157 sô ez iemer bezziste kunde .
0,18158 dô leite sich diu blunde .
0,18159 in ire hemedede dâr an .
0,18160 die juncvrouwen hiez si danne .
0,18161 entwîchen algemeine .
0,18162 niuwan Brangænen eine .
0,18163 nû was Tristrande ein bote getân .
0,18164 daz er ez durh niht solte lân .
0,18165 er ne spræche die kûningîn ze stete .
0,18166 nû tet er rehte als Adâm tet .
0,18167 er nam daz im sîn Eve bôt .
0,18168 er az mit ir den selben tôt .
0,18169 er kom dô gie Brangæne hin .
0,18170 ze den vrouwen unde saz nider zuoze in .
0,18171 mit angestlîcher swære .
0,18172 si hiez die kamerære .
0,18173 alle die türe besliezen .
0,18174 unde nieman in verliezen .
0,18175 si selbe en heize in in lân .
0,18176 die türe wurden zuo getân .
0,18177 als Brangæne nider saz .
0,18178 nû betrachte si daz .
0,18179 unde betrûrte in ire muote .
0,18180 daz vorhte noch huote .
0,18181 an ire vrouwen niht vervie .
0,18182 innen disen trahten gie .
0,18183 der kamerære einer vüre die türe .

0,18184 unde was sô schiere nie dâr vüre .
0,18185 der küninc en gienge gegen im in .
0,18186 unde vrâgete nâch der künigîn .
0,18187 vile harte un müezelîche
0,18188 nû sprach ir iegelîche .
0,18189 “si slâfet hêrre ich wæne”
0,18190 diu verdâhte Brangæne .
0,18191 diu arme erschrac unde gesweich .
0,18192 ire houbet ûf ire ahsel seic .
0,18193 hende unde herze entvielen ir .
0,18194 der küninc sprach aber “saget mir .
0,18195 wâ slâfet diu künigîn .”
0,18196 si wîsten in ze dem garten in .
0,18197 Marke kêrte hin zehant .
0,18198 dâ er sîn herzeleit dâ vant .
0,18199 wîp unde neven die vant er .
0,18200 mit armen zuo einander .
0,18201 gevlohten nâhe unde ange .
0,18202 ire wange an sînen wange .
0,18203 ire munt ! an sînem munde .
0,18204 swaz er gesehen kunde .
0,18205 daz in diu decke sehen lie .
0,18206 daz vüre daz deckelachen gie .
0,18207 ze dem oberen ende .
0,18208 ire arme unde ire hende .
0,18209 ire ahsel unde ire brustbein .
0,18210 diu wâren alse nâhe enein .
0,18211 getwungen unde geslozen .
0,18212 unde wære ein werc gegozen .
0,18213 von êre unde von golde .
0,18214 ez en dorfte noch en solte .
0,18215 niemer baz gevüezet sîn .
0,18216 Tristrant unde diu künigîn .
0,18217 die sliefen harte suoze .
0,18218 ich ne weiz nâch waz unmuoze .
0,18219 der küninc dô der sîn ungemach .
0,18220 sô offenbârlîche ersach .
0,18221 dô was im êrst vüre geleit .
0,18222 sîn enticlichez herzeleit .
0,18223 er was aber ein vertic man .
0,18224 wân unde zwîvel was dô dannen .
0,18225 sîn altiu überleste .
0,18226 er wænte niht er weste .
0,18227 des er dâ vore ie hæte gegert .
0,18228 des was er alles dô gewert .
0,18229 entriuwen ez ist aber mîn wân .
0,18230 im hæte dô vile baz getân .
0,18231 ein wænen danne ein wizzen .

0,18232 des er êr was gevlizzen .
0,18233 ze kumenne von der zwîvel nôt .
0,18234 dâr an was dô sîn gâher tôt .
0,18235 sus gienc er swîgente dannen .
0,18236 sînen rât unde sîne man .
0,18237 die nam er sunder dort hin .
0,18238 er huop ûf unde seite in .
0,18239 daz im gesaget ! ! wære .
0,18240 – vüre ein wârz mære .
0,18241 daz Tristrant unde diu künîngîn .
0,18242 bî einander solten sîn .
0,18243 daz sie alle mit im giengen dar .
0,18244 unde nâmen umbe si beidiu war .
0,18245 ob man sie alsô vûnte dâ .
0,18246 daz man im von in beiden sâr .
0,18247 recht unde geriht tæte .
0,18248 als daz lantrecht hæte .
0,18249 nû ne was ouch daz sô schiere nie .
0,18250 daz Marke von dem bette gie .
0,18251 unde harte unverre was dâr van .
0,18252 zehant erwachete Tristran .
0,18253 unde sach in von dem bette gân .
0,18254 “â” sprach er “waz ! hânt ir getân .
0,18255 getriuwe Brangæne .
0,18256 weiz got Brangæne ich wæne .
0,18257 diz slâfen gêt uns an den lîp .
0,18258 Isôt wachet armez wîp .
0,18259 wachet herzekünîngîn .
0,18260 ich wæne wir verrâten sîn .”
0,18261 “verrâten” sprach si “hêrre wie .”
0,18262 “mîn hêrre der stuont obe uns hier .
0,18263 er sach uns beide unde ich sach in .
0,18264 er gêt von uns iezuo dâ hin .
0,18265 unde weiz bînamen als wole .
0,18266 sô daz ich ersterben sol .
0,18267 er wile ze disen dingen .
0,18268 helfe unde geziuge bringen .
0,18269 er wirbet unseren tôt .
0,18270 herzevrouwe schoene Isôt .
0,18271 nû müezen wir uns scheiden .
0,18272 sô wætlîche daz uns beiden .
0,18273 sô guotiu state niemer mêr .
0,18274 ze vröuweden widervert als êr .
0,18275 nû nemet in iuwer sinne .
0,18276 wie lûterlîche minne .
0,18277 wir haben geleit unze her .
0,18278 unde sehet daz diu noch stæte wer .
0,18279 lât mich ûz iuwerem herzen niht .

0,18280 wan swaz dem mînem geschihet .
0,18281 dâr ûz entkomet ir niemer .
0,18282 Isôt diu muoz iemer .
0,18283 in Tristrandes herzen sîn .
0,18284 nû sehet herzevriuntîn .
0,18285 daz mir vremede unde verre .
0,18286 iemer hinze ze iu gewerre .
0,18287 vergezzet mîn durch keine nôt
0,18288 ! ! ! Isôt .
0,18289 gebietet mir unde kûsset mich .”
0,18290 si trat ein lûtz el hinder sich .
0,18291 siuften sprach si wider in .
0,18292 hêrre unser herze unde unser sîn .
0,18293 diu sint dâr zuo ze ange .
0,18294 ze anclîche unde ze lange .
0,18295 an einander vervlîzen .
0,18296 daz sie iemer sulen gewîzen .
0,18297 waz under in vergezzen sî .
0,18298 ir sît mir verre oder bî .
0,18299 sô ne sol doch in dem herzen mîn .
0,18300 niht lebentes noch niht liebes sîn .
0,18301 wan Tristrant mîn lîp unde mîn leben .
0,18302 hêrre ich hân dir lange ergeben .
0,18303 beidiu leben unde lîp .
0,18304 nû sich daz mich dechein ander wîp .
0,18305 iemer von dir gescheide .
0,18306 wir ne sîn iemer beide .
0,18307 der liebe unde der triuwe .
0,18308 stæte unde niuwe .
0,18311 nim hin diz vingerlîn .
0,18312 daz lâz ein urkûnde sîn .
0,18313 der triuwen unde der minne .
0,18314 ob dû decheine sinne .
0,18315 iemer dâ zuo gewînnest .
0,18316 daz dû âne mich iht minnest .
0,18317 daz gedenkest dâr bî .
0,18318 wie mînem herzen iezuo sî .
0,18319 gedenke an diz scheiden .
0,18320 wie nâhen ez uns beiden .
0,18321 ze herzen unde ze lîbe lît .
0,18322 gedenke maniger swæren zît .
0,18323 die ich durh dich erliten hân .
0,18324 unde lâ dir nieman nâher gân .
0,18325 danne Isolden dîne vriuntinne .
0,18326 durch nieman sô vergiz dû mîn .
0,18363 nû diu rede versigelt wart .
0,18364 Tristrant der kêrte ûf sîne vart .
0,18365 mit jâmer unde mit maniger nôt .

0,18366 sîn lîp sîn ander leben Isôt .
0,18367 beleip mit manigem leide hier .
0,18368 die spilgesellen beide
0,18369 die geschieden sich êmâles nie .
0,18370 mit solicher marter alse hier
0,18371 hier mit was ouch der küninc komen .
0,18372 unde hæte ein her ze sich genomen .
0,18373 von sînem hoverâte .
0,18374 si kômen aber ze spâte .
0,18375 si vunten niuwan Isôte .
0,18376 diu lac dâ noch genôte .
0,18377 in trahten an ire bette als êr .
0,18378 nû daz der küninc nieman mêr .
0,18379 wan eine sîne Isôte vant .
0,18380 sîn rât der nam in alzehant .
0,18381 unde vuorte in sunder dort hin danne .
0,18382 “hêrre” sprâchen si “hier an .
0,18383 missetuot ir harte sêre .
0,18384 iuwer wîp unde iuwer êre .
0,18385 daz ir die ze als maniger zît .
0,18386 zîhente unde zogente sît .
0,18387 ze lasterlîcher inziht .
0,18388 gar âne nôt unde umbe niht .
0,18403 vermîdet sus getânen spot .
0,18404 durch iuch selben unde durch got .”
0,18405 sus nâmen si in mit rede dâr van .
0,18406 daz er in volgen began .
0,18407 unde aber sînen zorn lie .
0,18408 unde ungerochen dannen gie .
0,18409 Tristrant ze herbergen kam .
0,18410 sîn ingesinde er allez nam .
0,18411 unde zogete sich mit in .
0,18412 wole balde gein der habe hin .
0,18413 daz êrste schef daz er dâ vant .
0,18414 dâr an kêrte er zehant .
0,18415 und vuor ze Normandîe .
0,18416 er unde sîn massenîe .
0,18417 nû was er aber unlanghe dâ .
0,18418 wan sîn muot riet im sâr .
0,18419 daz er eteswâ suochte ein leben .
0,18420 daz im lîbunge kunde geben .
0,18421 unde trôst ze sîner triure .
0,18422 hier merket âventiure .
0,18423 Tristrant vlôch arbeit unte leit .
0,18424 unde suochte nôt unde arbeit .
0,18425 er vlôch Marken unde den tôt .
0,18426 unde suochte tôtlîche nôt .
0,18427 diu in in dem herzen toete .

0,18428 diu vremede von Isôte .
0,18429 waz half daz er den tôt dort vlôch .
0,18430 unde hier dem tôde mite zôch .
0,18441 sus twanc in nôt unde tôt .
0,18442 nû dâhte er solte im disiu nôt .
0,18443 iemer ûf der erden .
0,18444 sô tragebære werden .
0,18445 daz er ir mohte genesen .
0,18446 daz muose an rîterschefte wesen .
0,18447 nû was ein lantmære .
0,18448 daz grôz urliuwe wære .
0,18449 ze Almânje in dem lande .
0,18450 daz seite man Tristrande .
0,18451 sus kêrte er ze Schampânje .
0,18452 dannen her ze Almânje .
0,18453 hier diente er als schône .
0,18454 dem zepter unde der krône .
0,18455 daz roemisch rîche nie gewan .
0,18456 under sînen vanen einen man .
0,18457 der ie würde als sagehaft .
0,18458 von manlicher rîterschaft .
0,18459 gelückes unde linge .
0,18460 an manlichem dinge .
0,18461 unde âventiure erwarp er vile .
0,18462 der ich aller niht gewehenen wile .
0,18463 solte ich alle sîne tâte .
0,18464 die man von im geschriben hât .
0,18465 zelen albesunder .
0,18466 des mærs würde ein wunder .
0,18605 dô Tristrant als ich iezuo las .
0,18606 ze Almânje gewesen was .
0,18607 ein halp jâr oder mêre .
0,18608 nû belangete in vile sêre .
0,18609 hinwider in die kûnde .
0,18610 daz er eteswaz bevûnte .
0,18611 waz der lantmære .
0,18612 von sîner vrouwen wære .
0,18613 in sînem muote er sich beriet .
0,18614 daz er von Almânje schiet .
0,18615 unde aber sîne reise nam .
0,18616 dâ hin von dannen er kam .
0,18617 hinwider ze Normandîe .
0,18618 dannen ze Parmenîe .
0,18619 hin ze Rûales kinden .
0,18620 in selben wânte er vinden .
0,18621 unde wolte im kûnden sîne nôt .
0,18622 leider nû was er aber tôt .
0,18623 er unde sîn wîp Floræte .

0,18624 sîne süne die er hæte .
0,18625 daz sulet ir wizen daz die dô .
0,18626 von inniclichem herzen vrô .
0,18627 Tristrandes künfte wâren .
0,18628 den antvanc den si im bâren .
0,18629 der was reine unde süeze .
0,18630 sîne hende unde sîne vuoze .
0,18631 sîn ougen unde sînen munt .
0,18632 die kusten si ze maniger stunt .
0,18633 “hêrre” sprâchen si zehant .
0,18634 “got hât uns an iu wider gesant .
0,18635 beidiu vater unde muoter .
0,18636 getriuwer hêrre guoter .
0,18643a des wir in iemer lobente sîn .
0,18644 unser muoter iuwer vriuntinne .
0,18645 unde unser vater sint beidiu tôt .
0,18646 nû hât got unser aller nôt .
0,18647 genædicliche an uns bedâht .
0,18648 daz er iuch wider hât brâht .”
0,18649 der trûrige Tristan .
0,18650 der hæte aber dâ van .
0,18651 leit unde michel ungehabe .
0,18652 er bat sich wîsen zuo ire grabe .
0,18653 dâ gienc er trûrente hin .
0,18654 dâ stuont er guote wîle obe in .
0,18657 er sprach vile innicliche .
0,18658 “nû erbarme ez got der rîche .
0,18659 sol ez iemer dâ zuo komen .
0,18660 alsô ich von kinde hân vernomen .
0,18661 daz triuwe unde êre werde .
0,18662 begraben in die erde .
0,18663 sô ligent si beidiu hier begraben .
0,18664 unde sol ouch triuwe unde êre haben .
0,18665 mit gote gemeine als man jihet .
0,18666 sô ne zwîvel ich ze wâre niht .
0,18667 unde ist âne lougen .
0,18668 si ne sîn vore gotes ougen .”
0,18674 diu sæligen Rûales kint .
0,18674a diu biderbe unde guot sint .
0,18680 si wâren ze allen stunten
0,18680a mit den trahten gebunden .
0,18681 sînem dieneste undertân .
0,18682 swaz er gebôt daz was getân .
0,18683 an iegelichen dingen .
0,18684 diu si mohten vollebringen .
0,18685 si vuoren mit im schouwen .
0,18686 rîtær unde vrouwen .
0,18687 die dienten im ze manigen tagen .

0,18688 turnieren pirsen unde jagen .
0,18689 swaz kurzewîle er wolte pflegen .
0,18690 nû was ein herzogentuom gelegen .
0,18691 zwischen Britanje unde engellande .
0,18692 daz was Arundêl genant .
0,18693 unde stiez daz an daz mer alsô .
0,18694 dâ was ein herzoge dô .
0,18697 sîne vîande umbesâzen in starke .
0,18698 sîn gerihte unde sîne marke .
0,18699 was im verurliuget unde benomen .
0,18700 si hæten in gar überkomen .
0,18701 beide ûf dem lande unde ûf dem mer .
0,18702 vile gerne hæte er sich ze wer .
0,18703 gesatzt doh ne mohte er .
0,18704 einen sun unde eine tohter .
0,18705 hæte er bî sînem wîbe .
0,18706 an tugenden unde an lîbe .
0,18707 wâren si beidiu vollekomen .
0,18708 der sun der hæte swert genomen .
0,18708a unde was schoene sô man saget .
0,18712 sîn swester was ouch schoene unde maget .
0,18713 unde hiez Isôt ! ! !
0,18714 ire bruoder Kâedîn ! ! .
0,18715 ire vater der herzoge Jovelîn .
0,18716 ire muoter diu herzogîn .
0,18717 diu was genant Karsîe .
0,18718 nû man ze Parmenîe .
0,18719 sagete Tristrande .
0,18720 daz urliuget in dem lande .
0,18721 ze Arundêle wære .
0,18722 er gedâhte sîner swære .
0,18723 aber ein teil vergezzen dâ .
0,18724 von Parmenîe vuor er sâr .
0,18725 hin gein Arundêle .
0,18726 ze einem kastele .
0,18727 dâ er des landes hêrren vant .
0,18728 daz was Karke genant .
0,18729 dâ kêrte er allrêrest hin .
0,18730 hêrre unde gesinde entviengen in .
0,18731 als man ze nôt den biderben sol .
0,18732 si erkanten in von sage wole .
0,18733 Tristrant als uns diz mære seit .
0,18734 der was von sîner manheit .
0,18735 in al den landen erkant .
0,18736a diu im ze suochenne wâren erkant .
0,18737 durch daz wâren sîn dise vrô .
0,18738 der herzoge ergap sich dô .
0,18739 sînem râte unde sîner lêre .

0,18740 sîn lant unde sîn êre .
 0,18741 dâ bat er in hêre über sîn .
 0,18742 sîn sun der hövische Kâedîn .
 0,18743 was sêre an in vervlizzen .
 0,18744 swâr an er mohte wizzen .
 0,18745 sîne wirde unde sîn êre .
 0,18746 dâr an vleiz er sich sêre .
 0,18747 dâ stuont al sîn gedanc hin .
 0,18748 si zwêne wâren under in .
 0,18749 alle stunte unde alle zît .
 0,18750 enwette unde enwiderstrît .
 0,18751 wider einander diensthaft .
 0,18752 triuwe unde geselleschaft .
 0,18753 gelobeten si zwêne under in zwein
 0,18754 unde behielten ouch die wole enein
 0,18755 unz an ire beider ende .
 0,18756 Tristan der ellende .
 0,18757 Kâedînen er ze sich nam .
 0,18758 an den herzogen er kam .
 0,18759 er vorschete unde bat im sagen .
 0,18760 sîn krieg wie sich der dar getragen .
 0,18761 von sînen vîanden hæte .
 0,18762 von wannen man im tæte .
 0,18763 den allergroezesten schaden .
 0,18764 mit dem er wære überladen .
 0,18765 nû im daz allez wart benant .
 0,18766 wie daz urluoge was bewant .
 0,18767 unde im vile rehte wart geseit .
 0,18768 der vîande gelegenheit .
 0,18768a was sêre an in ! .
 0,18768b ! ! ! ! !
 0,18768c ! !
 0,18769 wâ si zuo riten mit ire gezoge .
 0,18770 nû hæte der herzoge .
 0,18771 ein guot kastel in sîner pflege .
 0,18772 daz lac den vîanden ûf ire wege .
 0,18773 aldâ gezôch sich Tristrant in .
 0,18774 unde sîn geselle Kâedîn .
 0,18775 mit mæzlîcher rîterschaft .
 0,18776 si ne wâren niht sô stætehaft .
 0,18777 daz si dechein veltstrît .
 0,18778 mohten gehaben ze deheiner zît .
 0,18779 wan sô vile sô si ie kunden .
 0,18780 ze eteslîchen stunten .
 0,18781 mit roube unde mit brande .
 0,18782 geschaden der vîande lande .
 0,18783 geswâslîche unde verholene .
 0,18784 Tristrant sande verstolene .

0,18785 wider heim ze Parmenê .
0,18786 sîner lieben massenê .
0,18787 Rûals kinden er entbôt .
0,18788 im wære rîterschefte nôt .
0,18789 er bedorfte ir nie sô sêre .
0,18790 daz si ire triuwe unde ire êre .
0,18791 vile verre an im bedâhten .
0,18792 unde im ire helfe brâhten .
0,18793 si brâhten im an einer schar .
0,18794 vûnf hundert covertiure dar .
0,18795 bereite wole ze prîse .
0,18796 unde grôzen rât von spîse .
0,18797 als Tristrant vernam .
0,18798 daz im von lande helfe kam .
0,18799 er vuor selbe gein in .
0,18800 unde leite si allez nahtes in .
0,18801 unde vuorte si alsô in daz lant .
0,18802 daz ez lûtz el ieman bevant .
0,18803 wan die die vriunden wâren .
0,18804 unde im helfe dâr zuo bâren .
0,18805 die halbe er ze Karke liez .
0,18806 aldâ gebôt er unde hiez .
0,18807 daz si sich sêre in tæten .
0,18808 unde decheine war des hæten .
0,18809 wer dar ze strîte kæme .
0,18810 biz man vûre wâr vernæme .
0,18811 daz Kâedîn unde er dâ striten .
0,18812 daz si danne zuo riten .
0,18813 unde alsô versuocheten alse ire heil .
0,18814 hier mit sô nam er daz ander teil .
0,18815 dâ mit kêrte er ûf sîner vart .
0,18816 diu burc diu im bevolhen wart .
0,18817 dâr in sô brâhte er si bî naht .
0,18818 unde hiez ouch die dâr inne ire maht .
0,18819 verhelen als starke .
0,18820 als jene dâ ze Karke .
0,18821 des morgenes dô ez tagen began .
0,18822 nû hæte aber Tristran .
0,18823 rîtær ûz gesunderet .
0,18824 niht minner danne hundert .
0,18825 die andern liez er in der stat .
0,18826 Kâedînen er bat .
0,18827 daz er den sînen sagete .
0,18828 ob man in dâr gejagete .
0,18829 dâ man sîn war næme .
0,18830 unde im ze helfe kæme .
0,18831 von dannen unde von Karke .
0,18832 sus reit er ûf die marke .

0,18833 er roubete unde brante .
0,18834 offentlichen in dem lande .
0,18835 swâ er der vîande veste .
0,18836 unde ouch ire stete weste .
0,18837 dannoch vore naht dô wart der schal .
0,18838 in dem lande vliegende überall .
0,18839 daz der stolze Kâedîn .
0,18840 ûz geriten solte sîn .
0,18841 mit offener reise .
0,18842 Rugier von Doleise .
0,18843 unde Nautenîs von Hante .
0,18844 unde Rigolîn von Nante .
0,18845 der vîande leitære .
0,18846 den wart daz mære swære .
0,18847 al die state unde al die maht .
0,18848 die si mohten bî der naht .
0,18849 besenden diu wart gar besant .
0,18850 des anderen tages alzehant .
0,18851 wole hin umbe den mittentac .
0,18852 dô sich ire state enein gewac .
0,18853 si kêrten gegen Karke hin .
0,18854 rîtar hæten si under in .
0,18855 vier hundert unde mêre .
0,18856 unde versâhen sich des sêre .
0,18857 si solten sich dâ nider lân .
0,18858 als ouch dâ vore hæten getân .
0,18859 vile ofte unde ze manigem tage .
0,18860 Tristrant kêrte ûf ire slage .
0,18861 unde sîn geselle Kâedîn .
0,18862 dô jene vile sicher wânten sîn .
0,18863 daz ieman ze den zîten .
0,18864 mit in getorste strîten .
0,18865 dô vlugen dise allenthalben zuo .
0,18866 ir decheiner wânte envollen vruo .
0,18867 den vîanden genâhen .
0,18868 nû daz die vîande ersâhen .
0,18869 daz ez ze strîte was gewant .
0,18870 si kêrten an den strît zehant .
0,18871 unde kômen mit einander her .
0,18872 alhier vlouc sper unde sper .
0,18873 ros unde ros man unde man .
0,18874 sô vîantliche einander an .
0,18875 daz dâ vile michel schade ergie .
0,18876 si tâten schaden dort unde hier .
0,18886a dô jene daz ersâhen .
0,18886b die in den hûsen lâgen .
0,18887 daz der strît ze stete begunde stân .
0,18888 si liezen ûz den porten gân .

0,18889 anderhalben in die schar .
0,18890 diu tâten si her unde dar .
0,18891 mit hazlîchem strîte .
0,18892 in harte unlangen zîte .
0,18893 durchbrâchen si her unde hin .
0,18894 si riten houwente under in .
0,18895 alsô eber under schâfen .
0,18896 baniere unde wâfen .
0,18897 die der vîande wâren .
0,18898 der begunde Tristrant varen .
0,18899 unde sîn geselle Kâedîn .
0,18900 dâ wart Rugier unde Rigolîn .
0,18901 unde Nautenîs gefangen .
0,18902 unde michel schade begangen .
0,18903 under ire massenîe .
0,18904 Tristrant von Parmenîe .
0,18905 unde sîne lantgesellen .
0,18906 die riten vîande vellen .
0,18907 slahen unde vâhen .
0,18908 nû daz die vîande ersâhen .
0,18909 daz in diu wer niht tohte .
0,18910 swie sich der man dô mohte .
0,18911 mit vliehenne oder mit listen .
0,18912 generen oder gevrîsten .
0,18913 des was ir iegelîchem nôt .
0,18914 vluht unde vliehen oder der tôt .
0,18915 die schieden beidenthalp den strît .
0,18916 nû daz der strît in eine sît .
0,18917 mitalle entschumpfiert wart .
0,18918 und die gefangenen bewart .
0,18919 unde behalten dâ si solten sîn .
0,18920 Tristrant unde Kâedîn .
0,18921 die nâmen alle ire rîterschaft .
0,18922 alle ire state unde alle ire kraft .
0,18923 unde riten êrste in daz lant .
0,18924 swâ man der vîande decheinen vant .
0,18925 oder iht ire dinges weste .
0,18926 sô habe sô stete sô veste .
0,18927 daz was verloren als ez lac .
0,18928 ire gewin unde ire bejac .
0,18929 den sanden si ze Karke .
0,18930 nû si der vîande marke .
0,18931 gar under sich gebrâchen .
0,18932 unde wole ire zorn gerâchen .
0,18941 Tristrant sîn gesinde dannen schiet .
0,18942 umbe die gefangenen er riet .
0,18943 daz si ze hulden kâmen .
0,18944 unde von ire hêrren nâmen .

0,18945 swaz er in ire guotes wider lêch .
0,18946 den worten daz er in verzêch .
0,18947 unde versigelten ouch daz .
0,18948 daz disiu schulde unde dirre haz .
0,18949 dem lande unschadebære .
0,18950 irehalp iemer wære .
0,18951 unde kômen alle sament danne .
0,18952 die houbetherren unde ire man .
0,18953 hier mit was aber Tristrande .
0,18954 dâ ze hove unde dâ ze lande .
0,18955 vile lobes unde êren ûf geleit .
0,18956 sîne sinne unde sîne manheit .
0,18957 diu prîste hov unde lant .
0,18958 diu beidiu wâren ouch gewant .
0,18959 niht anders wan als er gebôt .
0,18960 Kâedînes swester Isôt
0,18961 diu mit den wîzen handen .
0,18962 diu bluome von den landen .
0,18963 diu was hövisch unde wîse .
0,18964 unde hæte sich ze prîse .
0,18965 unde mit lobe sô vüre genomen .
0,18966 daz si daz lant hæte überkomen .
0,18967 daz ez niht anders seite .
0,18968 wan von ire sælicheite .
0,18969 dô die Tristrant schoene sach .
0,18970 daz vrîschete im sîn ungemach .
0,18971 sîn altiu herzeriuwe .
0,18972 diu wart aber dô niuwe .
0,18973 si manete in ie genôte .
0,18974 der anderen Isôte .
0,18975 der schoenen von Irlande .
0,18976 wan sie ouch Isôt was genant .
0,18977 swenne er sîn ouge an si verlie .
0,18978 sô wart er von dem namen ie .
0,18979 sô riuwic unde sô vröuwedelôs .
0,18980 daz man im under ougen kôs .
0,18981 den smerzen sînes herzen .
0,18982 doch liebete er den smerzen .
0,18983 und truoc im inniclichen muot .
0,18984 er dûhte in süeze unde guot .
0,18985 er minnete diz ungemach .
0,18986 durh daz wan si gerne sach .
0,18987 er sach si gerne umbe daz .
0,18988 im tet diu trûre verre baz .
0,18989 die er nâch der blunden hæte .
0,18990 danne im ander vröuwede tæte .
0,18991 Isôt was sîn liep unde sîn leit .
0,18992 dise Isôt sîn beworrenheit .

0,18993 diu tet im wole diu tet im wê .
0,18994 sô im Isôt sîn herze ie mêr .
0,18995 in dem namen Isôte brach .
0,18996 sô er Isôte ie gerner sach .
0,18997 vile dicke sprach er wider sich .
0,18998 “! ! !” wie bin ich .
0,18999 von disem namen verirret .
0,19000 er irret unde wirret .
0,19001 die wârheit unde daz lougen .
0,19002 mîner sinne unde mîner ougen .
0,19003 er biret mir wunderlîche nôt .
0,19004 mir lachet unde spilet Isôt .
0,19005 in mînen ôren alle vrist .
0,19006 unde en weiz iedoch wâ Isôt ist .
0,19007 mîn ouge daz Isôte sihet .
0,19008 daz selbe sihet Isôte niht .
0,19009 mir ist Isôt verre unde ist mir bî .
0,19010 ich vûrhte ich aber geîsôtet sî .
0,19011 ze dem andern mâle .
0,19012 ich wæne ûz Kurnewâle .
0,19013 ist worden Arundêl .
0,19014 Karke ûz Tintajôele .
0,19015 unde Isôt ûz Isôte .
0,19016 mich dunket ie genôte .
0,19017 als ieman iht von dirre maget .
0,19018 in Isôten namen saget .
0,19019 daz ich Isôte vunden habe .
0,19020 hier bin ouch ich verirret abe .
0,19021 wie wunderlîche ist mir geschehen .
0,19022 daz ich Isôten muose sehen .
0,19023 des gerte ich nû vile lange vrist .
0,19024 nû bin ich komen dâ Isôt ist .
0,19025 unde bin Isôte niender bî .
0,19026 swie nâhen ich Isôte sî .
0,19027 Isôte sihe ich alle tage .
0,19028 unde sihe ir niht daz ist mîn klage .
0,19029 ich hân Isôten vunden .
0,19030 unde iedoch niht die blunden .
0,19031 diu mir sô sanfte unsanfte tuot .
0,19032 ez ist Isôt diu mir den muot .
0,19033 in dise gedanke hât brâht .
0,19034 von der mîn herze als ist verdâht .
0,19035 ez ist diu von Arundêle .
0,19036 niht Isôt ! ! .
0,19037 der sihet mîn ouge leider niht .
0,19038 swaz aber iemer mîn ouge ersihet .
0,19039 daz mit ire namen versigelt ist .
0,19040 dem selben sol ich alle vrist .

0,19041 liebe unde holdez herze tragen .
0,19042 dem lieben namen genâde sagen .
0,19043 der mir sô dicke hât gegeben .
0,19044 wünne unde wünniclichez leben .
0,19045 al solichiu mære treip Tristan
0,19046 vile dicke wider sich selben an .
0,19053 er ne was dô niht gedanchaft .
0,19054 ze erneste noch ze rîterschaft .
0,19055 sîn herze unde sîne sinne .
0,19056 wâren niuwan an minne .
0,19057 dâr nâch unde an anders niht geleit .
0,19058 er suochte gemuotheit .
0,19059 in wunderlicher ahte .
0,19060 er besatzte sîne trahte .
0,19061 er wolte lieb unde lieben wân .
0,19062 wider die maget Isôte hân .
0,19063 sîn gemüete gerne twingen .
0,19064 ze ire liebe ûf den gedingen .
0,19065 obe im sîn senentiu bürde .
0,19066 mit ir iht ringer würde .
0,19067 er üebete an ir dicke .
0,19068 sîne minnicliche blicke .
0,19069 und sande der sô manigen dar .
0,19070 daz si bînamen wole wart gewar .
0,19071 daz er ire holdez herze truoc .
0,19072 ouch hæte si dâ vore genuoc .
0,19073 durch in gedanke vüre brâht .
0,19074 si hæte vile durch in gedâht .
0,19075 sît si gehôrte unde gesach .
0,19076 daz man im sô vile lobes sprach .
0,19077 über hov unde über lant .
0,19078 sît was ire herze an in gewant .
0,19079 alsô Tristrant denne .
0,19080 sîn ougen eteswenne .
0,19081 sô minnicliche an si verlie .
0,19082 sô widerlie si ire ougen ie .
0,19083 als minniclichen an den man .
0,19084 daz er gedenken began .
0,19085 mit welicher slahte dingen
0,19086 er ez mohte vollebringen .
0,19087 daz al sîn herzeswære .
0,19088 dâr mit erloschen wære .
0,19089 unde was gedanchaft dâr zuo .
0,19090 er sach si spâte unde vruo .
0,19091 sô ez mit ir mohte sîn .
0,19092 vile schiere wart daz Kâedîn .
0,19093 ir zweier blicke wart gewar .
0,19094 unde vuorte in ouch dô dicker dar .

0,19095 danne er êmâles tæte .
0,19096 wan er gedingen hæte .
0,19097 ob si im ze herzen beklibe .
0,19098 daz er si næme unde dâ belibe .
0,19099 sô hæte ouch er mit im verant .
0,19100 sîn urliuge über al daz lant
0,19101 sus bat er ie genôte .
0,19102 sîne swester Isôte .
0,19103 daz si ez Tristrande büte .
0,19104 als er selbe vore gebüte .
0,19105 unde niemer koeme an decheine tât .
0,19106 âne in unde âne ire vateres rât .
0,19107 Isôt diu leiste sîne bete .
0,19108 wan si ez ouch selbe gerne tet .
0,19115 biz daz si in ouch entzunde .
0,19116 daz im der name begunde .
0,19117 den ôren senften an stete .
0,19118 der im dâ vore unsanfte tet .
0,19119 er hôrte unde sach Isolde .
0,19120 vile gerner danne er wolte .
0,19121 reht als tet ouch im Isolde .
0,19122 si sach in gerne unde was im holt .
0,19129 eines tages dô gesaz Tristran .
0,19130 unde giengen in gedanken an .
0,19131 von sînem erbesmerzen .
0,19132 er bedâhte in sînem herzen .
0,19133 manige unde maniger hande nôt .
0,19134 die sîn ander leben Isôt .
0,19135 diu blunde küniginne .
0,19136 der slüzzel sîner minne .
0,19137 durch in erliten hæte .
0,19138 unde ouch dâr an sô stæte .
0,19139 in allen noeten wære .
0,19140 er nam ez im ze swære .
0,19141 unde gienc im reht an sînen lîp .
0,19142 daz er âne si êr dechein wîp .
0,19143 durch minne in sînen muot genam .
0,19144 unde ie an die gedanke kam .
0,19145 leitliche sprach er wider sich .
0,19146 “ich ungetriuwe waz tuon ich .
0,19147 ich weiz doch wârz als den tât .
0,19148 mîn herze unde mîn leben Isôt .
0,19149 an der ich hân geunsinnet .
0,19150 diu ne meinet noch ne minnet .
0,19151 niht dinges ûf der erden .
0,19152 ouch en kan ir niht geworden .
0,19153 lieb wan ich aleine .
0,19154 unde minne ich unde meine .

0,19155 ein leben des si niht bestât .
0,19156 ich ne weiz waz mich verkêrt hât .
0,19157 waz hân ich mich genomen an .
0,19158 ich triuwelôser Tristran .
0,19169 lâ disen blinden unsin .
0,19170 tuo dînen ungedanc hin .”
0,19171 hier mit kom er des willen wider .
0,19172 minne unde muot leite er dâr nider .
0,19173 den er der meide Isôte truoc .
0,19174 iedoch bôt er ir genuoc .
0,19175 sô süezer gebærde .
0,19176 daz si alle die bewærde .
0,19177 sîner minne wânte hân .
0,19178 dô was ez anders getân .
0,19179 ez gienc als ez solte .
0,19180 Isôt diu hæte Isolde .
0,19181 Tristranden muotesalp benomen .
0,19182 Tristrant was aber mit muote komen .
0,19183 wider an sîn erbeminne .
0,19184 sîn herze unde sîne sinne .
0,19185 die triben dô niuwan ire altez leit .
0,19186 doch begienc er sîne hövischheit .
0,19187 dô er an der megede gesach .
0,19188 ire senelîchez ungemach .
0,19189 daz sich daz üeben began .
0,19190 dô leite er sînen vlîz dâr an .
0,19191 daz er ir vröuwede bære .
0,19192 er seite ir schoeniu mære .
0,19193 er sanc unde schreip ir unde las .
0,19194 unde swaz ir kurzewîle was .